



पुर्खा दय्क तकगु सम्पत्ति, भीगु कला व संस्कृति
पिकाक-भक्तपुर नगरपालिका



नेपाल संवत् १९४२ थिंलागा / २०७८ माघ १ / 2022 Jan. / ल्या: ५१, दाँ: ४



फल्चै फल्चाया सहर स्वप देशय्
त्वचा फल्चाया उलेज्या



थी थी इलय् नेपः देशं खुयो यंकगु ऐतिहासिक पुरातात्विक महत्वया
सम्पदात लिताहय्गु बैठकसं प्रमुख ज्यु (२०७८ पुस १४ गते)



काठमाण्डौ उपत्यका विकास प्राधिकरण खारेज याय मःगु माग
(२०७८ पुस १३ गते)



; DkfbSlo

@)* df3 !, c^a\$ &&, jif{ \$

कोरोना ल्वचं मपुंकः पाडः तयूता उच्च सतर्कता

कोरोना ल्वय न्हिया न्हिथं भन-भन अप्वयो वाडः च्वंगु दः । एमाले, नेका, माओवादी व राप्रपाया अधिवेशन लिपा अपलं कोरोना ल्वय डाडः पुडः वांगु धायो च्वंगु दः । कोरोना ल्वय दे डांक : पुडः वाडानं उकिता बे वास्ता याडः राजनैतिक दल, थी थी संघ, संस्था थःगु ज्या इवः त न्ह्याकः यंकसेलिं स्वनिगः या स्वंगुं जिल्लाया जिल्ला प्रशासन कार्यालय या प्रमुख पिनिगु बैठकं पुस २७ गते निसें थी थी राजनीतिक ज्या इवःत याकय् मब्रियगु निर्णय यात ।

प्रमुख जिल्ला अधिकारी जु पिनिगु बैठकं सार्वजनिक स्थलय् राजनैतिक ज्या इवः त न्ह्याकय् मरुगु मयासें मगासा जिल्ला प्रशासन कार्यालयया अनुमति कायो स्वास्थ्य मापदण्ड पालना याडः अपलं मनू ममूकसें नीडाम्हातिजक मनू मुंकः याय्गु, महोत्सव व छुं नं सामाजिक व्यवहारया ज्या मयायूता आदेश जारी याता । अलय् आदेश यागु चच्छी न्हिच्छी हे मब्यू निबलय् पृथ्वी जयन्तीया लसताय् राष्ट्रपति विद्यादेवी भण्डारी, पूर्वराजा ज्ञानेन्द्र शाह, सिंहदरवार हःनय्या पृथ्वी नारायण शाहया इवातांखय् स्वमः क्वखाय्क भाला । राष्ट्रिय ध्वयै ज्वडः वपुं द्रलंद्र मनूत दःगु जुलुसे वाडः स्वमः क्वखाय् वांगु याता सरकारया निर्णय हाचां गायो वांगु काथं कायो च्वंगु दः । कोरोना वेवास्ता यागुलिं अः माओवादीया नायो पुष्पकमल दाहाल (प्रचण्ड), एकीकृत समाजवादीया नायो माधव नेपाल, नारायण काजी श्रेष्ठ, देवेन्द्र श्रेष्ठ पुं संक्रमितजुइकः च्वंगु दः धाय्गु बुखौं पिब्वयो च्वंगु दः ।

कोरोना छुं मखु धायो बेवास्ता यागुलिं थव नं हां द्रलंद्र मनूत सीय धुंकल । वास, स्वास्थ्य सामग्री व अक्सिजन मदयो अपलं परिवार विचलित जुल । अः थजगु ई स्वय थ म्वै धाय्गु मति तयो नागरिकपुं थः थः गु थासं सचेत मजुसेंमगा ।

ख्वप नगरपालिका ख्वपया जनताया स्वास्थ्य सुरक्षाया लागिं तस्कं संवेदनशील जुयो ज्या साडः च्वंगु दः । नगरपालिकां खोप अभियानता फयांफक्व बांलाक : मथां वियकेगु ज्या याडः च्वंगु दः । अः तक नगरपालिकां भेरोसेल १,२०,००० डोज, कोभिसिल्ड जोन्सन ३८९६ डोज व मोडर्ना ११४६६ डोज तकया रेकर्ड खः । २०६८ सालया जनगणनाया ल्याखं मुक्क ८१ हजार जनसंख्या दःगु ख्वप नगरपालिका दुनयै ब्यूगु खोप संख्याया लिधांसाय् धाय्गु खः सा अपलं (अधिकांश) ख्वपया जनतां खोप काय धुंकगु खौं धाय् फः ।

कोरोना स्वंगूगु लहर खानय् दः सेलिं ख्वप अस्पताया कोभिड युनिटयन साधारण ५० शय्या, एच डि यू २५ शय्या, याडः मुक्क ७५ गू शय्या तयारी अवस्थाय् दःगु व आइ सी यू ५ शय्या भेन्टिलेटर प्यंगु, सिधै थें च्वंगु जुल । नपां अक्सिजन पूर्ण तयारी दःगु नगरपालिकां धायो च्वंगु दः व नपां उकिता मःपुं चिकित्सक नर्स व जनशक्तिया व्यवस्था याडः कोरोनां ल्वचं मपुंकः मडांक तयूता ख्वप नगरपालिकां मदिक्क ज्या साडः च्वंगु खौं ख्वप नगरपालिकां धायो च्वंगु दः ।

कोरोना पुनिख्वः वगु थाय्याता बीचः याडः ख्वप नगर दुनयया फुक्क ब्वनय् कुथित माघ १ गते निसें ८ गते तक चिकुलाया बिदा ब्रियगु व ९ गते निसें वैकल्पिक बिधिं ब्वंकयूता नगर शिक्षा शाखा पाखं सूचं पिब्वय धुंगु दः ।

जात्रा, मेला, नखा, चखा स्वास्थ्य मापदण्ड पालना याडः मः थे जक डायकेता, माइकिड् व सूचं पाखं जनचेतनामूलक ज्या याडं च्वंगु खौं न्यै न्यै थजगु संकटया इलय् सकल नगरबासीपिसं स्वास्थ्यया संवेदनशीलताता बिचः याडः सचेत जुयता नं नगरपालिकां अनुरोध याड च्वंगु दः । भ्नी म्वाय्, मेपिन्ता नं म्वाकय् ।

पिकाक-ख्वप नगरपालिका/सम्पादक-आशाकुमार चिकंब्ज्जार, डेस्कटप-धन लक्ष्मी त्यात, आवरण सज्जा-रेणु ध्वजू, थाकू- भक्तपुर अफसेट प्रिन्टर्स फोन ल्याः ०१-६६१३०४३, ई-मेल- khwopapau@gmail.com



का.रोहितया कोरिया भ्रमणया लिपाया र्खाँ

नारायणमान बिजुवछें

स्वकगू कोरिया भ्रमणया इलय् नं जिं विदेशी पासापिन्के प्र.ज.ग. कोरिया व प्योडयाडया प्रगति व कोरियाली जनताबारे 'छिं गथे ताय्का ?' जक न्यनयगु याडा । जिं न्ह्यागुनं खाँ याता थमनं सियाथें आत्मगत व वस्तुगत ढंगं सिइके सय्केगु कुतः याय्गु । अलय् भारत, चीन, पाकिस्तान, बर्मा थाइल्याण्ड व हङकङ या बारे खाँ जक जिं बांलाक थुया । युरोप व पश्चिमा देया बारे प्रत्यक्ष ज्ञान मरुगुलिं जिं विशेष याडः पश्चिमेली पासापिनि पाखं हे कोरियाया बारे थःगु लिचवः न्यनयगु याडा ।

कोरियाया बारे एशियाली व अफ्रिकी देशया पासापिनिगु बिचः नेपःमिपुं ज्वः ला , अथे जूगुलिं पश्चिमया पासापिनिगु म्हुतुं हे न्यडः थुइकेगु मति वां । व हे इवलय् बेलायतया छम्हा कम्युनिस्टं धायो दिल - तेस्रो विश्वया मुलुक जुया नं थुगु देशं यागु प्रगति 'सरप्राइजिङ्ग' अथे धाय्गु अजु चाय् पुगु काथं खानय् दः । मेमेगु देशं नं थानाया सुचुकुचु, अनुशासन, लाँ-फः, पार्क, पुखु, छँ दानिगु व बास्तुकला, कला-संस्कृति स्वयो धाई मिराकल (अद्भूत) वण्डरफूल (तस्कं बांला) स्प्लेन्डिड्ग (तस्कं बांलागु) ग्लोरियस(गौरवपूर्ण)

अनेक-अनेक, बःचा हाकलं हे अमिसं थजगु भावना व लिचवः प्वंकिगु ।

ख्यां २४ अश्विन २०५० या दिनसं नेपः भ्रमणे भःपुं युरोपेली संसदीय प्रतिनिधि मण्डलया छम्हा फ्रान्सेली दुजं ख्वपया बारे 'स्प्लेन्डिड' व नेपः या नितिं नं 'सर्पाइजिड' व 'वण्डरफूल' खाँगवः छ्यलः दय्गु खः । विदेशी तय्सं नेपः या प्राकृतिक सौन्दर्य व पुलां पुलांगु प्राचीन कला कृतित स्वयो पाराडाइज (स्वर्गथें बांला) दकः खाँगवः छ्यलिगु खः ।

प्योडयाड दय्कगु आनाया प्रगति, आनाया भवनत, अकिं दुनयया कलाकृति व धातु, चिनियाँ चाया थाला बाला, चित्रकारी, मेमेगु प्याखं त नपां सुन्दरता स्वयबलय् प्र.ज.ग. कोरिया युद्ध याय् मन्दगु देश खः, कोरियालीत युद्धता तयारी याडः च्वना धाय्गु खाँ जिता भ्या भाति हे विश्वास मवां । छाय् धःसा युद्ध याय्गु मति दःसा आपा-आपा हांगु स्कूल -कलेज, विश्व विद्यालय, कला व सांस्कृतिक भवनत व कलाकृतित छाय् दय्की ? कोरिया चाह्यु वैपुं सुं नं स्वस्थ मनूनं कोरियाय् हकनं युद्ध जुय्म अलय् फुक्क कलाकृति ध्वस्त जुय्म दक धाय् फै हे मखु । अथे मतितक तै मखु ।

अथे जूगुलिं नेगू कोरिया छगू या सा वा याकय् ब्युसा युद्धया तनाव व सम्भावना हे कोरियाली प्रायः द्वीप व

पूर्वी एशियां ताडः वानिगु खः । कोरियाली जनताया उगू इच्छा स्वाभाविक खः, न्यायोचित खः, राष्ट्रपति किम इल सडया महासंध दय्केगु प्रस्ताव ब्यवहारिक जू । जिमिसं उकिता दुनुगलं निसें समर्थन याडा ।

अथेयां १९९२ या १५ अप्रिलया दिन कोरियाली जनताया महाननेता किम इल सडंग थःगु चय्दाया बुदिया लसताय थःता भिन्तुना दे छः वपुं १३० देया ४२० गू सरकार, राजनैतिक पार्टीत व थी थी संघ-संस्थाया प्रतिनिधि मण्डलता प्र.ज.ग. कोरियाया सरकार पाखं ब्युगु रात्रीभोजय् वयकया भाषणे कोरिया व कोरियाली जनताया नुगः या धुकधुकीं प्यागु खानय् दः गु अनुभव याडा । वहे हृदयस्पर्शी (नुगलय् थ्युगु) व निश्छल भावना थौं तक जिगु मनय् ल्यहें पुयो च्वंगु दः :-

“जिगु देश मुक्त मयासैं छँ ल्याहाँ वय मखु धाय्गु छगू दृढता ज्वडः जिं म्हेग-म्हिगः तिति अमनोक खुसी छिड वाडागु थें जिता च्वडः च्वंगु दः । अलय् जी यां चय्दा क्यनय् धुकःगु जुयो च्वना । अपलं कामरेड पुं व पासापिनिगु थथे हना बना फःफं जिं थःगु चय्दाया बूदिं डाय्कः च्वडा बलय् जिं नुगलय् जायो वगु खाँ पानय् मफूत ।

जिं क्रान्तिया लाँपुइ पला तः सां निसैं हे जि जिम्हा कामरेड पुं व पासापिनिगु



न्हयःन्हयगूगु स्वप पौ, बःछि पौ(पाक्षिक)

मायाखय् ब्वलाडः वयो च्वडा ।” ... कोरियाली क्रान्तिया (विजय) त्यागु दिं व थःगु चयदाया ताः हाकगु जीवनया सार कानय् धुंक वयकलं देया तस्कं हृदयविदारक स्थितिता पाहाँ तय्गु हःनय् ब्वयो दिलः

पुनः एकीकरण जूगु देशय् सुखसियो नपां च्वनय्गु जिमिगु राष्ट्रिय आकांक्षा पू मवानि धाय्गु खाँ जिगु मनय् दः । दे मुक्ति जूगु थ्यं मथ्यं डय्दा फुय ताडानं जिमिगु राष्ट्रता ब्वथल (राष्ट्रिय विभाजन) छगं तुं याय् मफगु जिमिपुं जनताया नितिं तहांगु दुर्भाग्य खः । दे छगं तुं याय्गु जिमिगु राष्ट्रया तः दा हाँ निसें या मंकः इच्छा व आकांक्षा खः । अलय् थ्व राष्ट्रया नितिं जिगु प्रतिज्ञा नं खः ।

जिमिगु दे छगं तुं मज्जुया हूनि विदेशी शक्तितय्गु लिच्वंयाड हे खः । विदेशी शक्ति तयसं याडः हे राष्ट्र क्वचा दःगु खः सा थौं नं वहे शक्तिं याड राष्ट्र छगू याय्गुलि पंगः काथं दे वयो च्वंगु दः । जिमिसं दे छगं तुं याय्गुलि न्ह्याबलें जिमिगु थःगु राष्ट्रं हे याय् फैं धाय्गु विश्वास याड जिमिगु राष्ट्रं हे क्तः याय्गु धायो च्वडा । राष्ट्र छगू तुं याय्गु इवल्य पला न्ह्याकय्गु लाँय हकनं अपलं पंगः त दःनि अथेनं थुगु विषय धःसा भं भं चकाडः वयो च्व.गु दः । ताः हाकगु इतिहास व ई काथंया समय सापेक्ष-सांस्कृतिक परम्परा दःगु जिमिगु राष्ट्रया आत्मा अः तक मसीनी । उत्तर-दक्षिण व समुद्र पारीया देशभक्त पिनिगु गुबलें क्वमलागु अथक देशभक्तिपूर्ण संघर्षखं राष्ट्र छगं तुं याय्गु प्रेरक शक्ति न्हिया न्हिथं बल्लाड वयो च्वंगु दः ।

जनताया सेवा याय्गु

छम्हा क्रान्तिकारीया नितिं दकलय् च्वयया आदर्श व कर्तव्य खः । थःगु फुक्क जीवन जनतायानितिं पाय्गु थजगु यश (नां) व गौरबया खाँ मेगु जुय फैंमखु । जनतापाखं माया व विश्वास दयो च्वंगुलि जिगु ल्यं दःगु जीवन नं जनताया नितिं देछाय्गु इच्छा याडा । (The Pyongyang times No. 17-1637_ weekly, saturday april 18,1992 pyongyang DPR kores.)

जिं नेकगु कोरिया भ्रमणया इलय् नं राष्ट्र पति किमइलसडया ‘यस शताब्दी संग’ धाय्गु संस्मरण साफूया न्हापांगु ब्व उपहार काथं ब्यूगु उब्ले हे चान्ह्यें साफूया छुं छुं पानात ब्वडा । संस्मरणया प्रस्तावना ब्वनय् धुंकः का. किमइल सडगया व्यक्तित्वया न्हँ न्हँगु खाँत उलय् दःगु थें ताय्का । हःनयया पानात ब्वँ ब्वँ वाडाबल्य जापान विरोधी लडाईं त्याक्य् धुंक छँ हनय् थ्यें बलय् वयकया अजिं न्यड दय्गु नुगः मुडथें च्वंगु न्ह्यसं ब्वडः

जिं थः ता सम्हालय् याय् थाकुल । आना जिं देया सीमा, भाय व राजनीतिता लुमांकः मुक्क मनूया मानवीय भावना खांका ।

जिगु मनय् - का. किम इल सडगु छम्हा राजनेता, रणविद व सेनानायक जक मखु कवि नुगः दम्हा छम्हा स्यल्लाम्हा च्वमि नं खः धाय्गु वाना । थःपुं सीड वापुं पासापुं, तां पुं पासापुं, गुणयापुं मनूत प्रति वयकया निश्छल माया, चिन्ता व कृतज्ञताया भावना तब्याँ ब्याँ वयकया बिचः थुयवं जिगु मनय् श्रद्धाया खुसी बः हे वल । मनयें जि कोरियाय् थ्यंगुलि तस्कं सन्तोष जुया । अलय् का. किम इल सडगु जनताया निमित्तं जीवन पाड द्यूम्हा नेता दयो कोरियाली जनता धन्य धन्य खः धाय्गु मति वाना प्रचारं जक मखु वयकया भावना व व्यवहारं हे वयक कोरियाली जनताया महान नेता जुयो द्यूगु खः धाय्गु मनय् वाय्का ।

जिता छु मति वाना धःसा कोरिया व कोरियाली नेतात अलय् साहित्य व संस्कृतिया विषयनं नेपाली ब्वनामि (पाठक) पिन्ता ध्वाथुइकः यंकेगु नेपःमि पिनिगु भिं जुइगु जक मखु नेपः व कोरियाली जनताया दशवी मित्रता क्वातुक यंकेता नं ग्वाहाली जुई । कोरियाली साहित्यता नेपाली भाषं भाय् हिलः नेगु देया सांस्कृतिक स्वापु अझ तः ब्याक व क्वातुक यंकेमः धाय्गु जिगु बिचः खः । इलं बिल धःसा कोरियाया बारे हकनं अपः खाँ ब्याकय्ता ब्वनामिपिनिगु दशवी वयगु क्तः याडं तुं च्वनयँ ।

शुभाय्



स्वपया जनता थः हे सार्वजनिक सम्पतिया पिवः स्वः

नगरप्रमुख सुनिल प्रजापति

जिपुं जनप्रतिनिधि खः । स्थानीय जनताया भिं जुइगु ज्या गथे याःसा बांलाई, छु याःसा जिइ वहे काथं याय् । न्ह्यागु नं सम्पति न्याः सां उकिता अपलं ज्याखय् छ्यलयगु मति तयो न्यायगु जुई । ख्वप नगरपालिकाया उपमेयरं गइगु गाडी २३ दा पुलांगु खः । जि मेयर थः हे नीदा पुलांगु गाडी गयो जुया । उकिता ल्हवडः चल्य याय् ज्यूलय् जिमिसं मेगु गाडी न्याय मखु । न्हँगु गाडी न्याडः हलकिं अः चल्य याडः तयागु मोटरत तुइम्हा किसी थें जुई । छगू मेसिन जक न्याय् बलय् लाखौं तका दां तुइगु । हकनं व फुक्क धेबा विदेश्य वानिगु । ल्हवडः ज्या काय् ज्यूलय् जिमिसं अजगु सामान स्वथाडः मेगु न्यायगु जुइ मखु ।

मे मेथाय् स्वयबलय् धेबायां फिखय् नाः तय् बलय्थें खर्च याडःच्वंगु दः । जिमि छु मति वां धःसा सरकारी स्रोत व सार्वजनिक सम्पतिल्यंकः म्वाकः तयः फःसा दे सम्दृ जुल जुई ।

जिपुं न्यायता वानय् हाँ ताः तुइगु छु दः दक स्वयगु । मेथाय् दांगु, लोकप्रियता व ठेक्का बियो लबः कमिशन नय्गु याइगु अपलं खानय् दः । विमान स्थल दय्क च्वंगु दः । व गुलितक छ्यलय् फैं छु हे निश्चितता मरु । सिंचाई आयोजना दय्क बलय् उकिया लाभ पक्ष उलय्गु ज्या जुइमखु । जिमिसं वहे खाँ खं पाठ सय्कः च्वडा । सम्पदा ल्यंकः म्वाक तयगुलि जिमिसं उलि कपः स्याकः च्वनय्म्वं जनता थः हे उकिया पिवः खः ।

गुगु ज्या मेथाय् विकृतिकाथं वला व जिमिथाय् थः मवः दक सचेत जुय । जिमिकय् दःगु सम्पति अपलं अपः छ्यलः यक्वसिता फाइदा थःजु धाय्गु खायँ जिमिसं बः बियगु याडः च्वडा ।

जिमिसं दाड तयागु कलेजया भवनता जक स्वयो दिसं लाखौं लाख तुकः दाड तयागु भवने सुथाय्, न्हिनयँ बहनी स्वंगु इलय् हे चाय्कः ज्या कायगु स्वयगु । छखा भवन दानयता १८-१९ करोड तका दां खर्च जुइगु । अलय् दःगु भवनता अपलं छ्यलय्गु मेथाय् याड च्वंगु मखाडा ।

सरकारया नीति नं अथेहे काथं मछिगु खानय् दः । नीतिं छथाय्सं नेगू कलेज

तयो चाय्के मरु धाइगु । जिमिता छगू न्हँगु विषय तानयता नेदायां भूलय् याडः बिला । मन्त्री परिषदं स्वीकृति वियानिं जक जिमिसं छगू तुं कलेजय् नेगू कलेजया कक्षा त चाय्के फता । करोडौं तुकः दाडागु भवनय् सच्छीम्हा मखु द्विच्छीम्हा भवनामिपुं भवनय् दय्मः धाय्गु जिमिगु उद्देश्य खः । छथाय्सं क्वचिडः ब्वंकय्गु धाय्गु नं मखु , गुब्लें थाय् खाली जुई उब्ले ब्वंकय् धाय्गु खः । जिमिसं छु नं विषयया खाँ नगरपालिका दनय् च्वडः जक क्वः छियगु मयाडा । जनताया दथी वाडः गथे यासा जिइ जक सल्लाह कायो याडा । उकीं हे जुई जिमिता छु नं खाँ क्वः छियता गुब्लें पंगः मव । छुं भिं मजुइगु पूर्वाधार नं दयकाग मरु । जिमिसं यां ठेकेदारतयता छ्यलय्गु स्वयो अपः समुदायता छ्यलय्गुलि ध्यान बियगु । गथेजुयो ठेक्काखय् बिय माल वांसा आना गुणस्तरं भ्या भातिहे मुलाहिजा याई मखु । बल्लाकः, भिंकः मदय्कसा आना स्वः वाड तुरुन्त थुडः हकनं दांकय् बियगु । जिमिथाय् ठेकेदार पिसं नं अपलं संवेदनशील जुयो ज्या सानी । छम्हा नेम्हा सिं ज्या स्यंकः यासेलिं कार्बाही काथं हाकुगु धलः (कालो सूची) खय् तयागु दः ।

जिमिसं फयां फक्व जनताहे थःगु भः पिइक ज्या सांकय्गु कुतः याय्गु । अमिपाखं हे जनश्रमदान याकय् गु, उपभोक्ता समिति दय्कः ज्या काय्गु, दानयता मःगु दः दःगु मौलिक भौतिक ग्वाहाली नं काय्गु । देगः फल्चा, मथ दानयबलय् सिं फःपिसं सिं, अपा, पोल्हँअपा सुनं छु फता वहे काथं ग्वाहाली याडः च्वंगु दः । गुकिं याडः सार्वजनिक सम्पतित जनतां थःगु हे भः पियो च्वंगु दः ।

जिमिसं १९८ गू सम्पदा ल्हवनय् कानय् व दानय् धुन, गुब्लें ठेक्का मबिया । जनतापाखं हे थुगु ग्वाहाली जुला, ज्या जुला । दांकः भिंक, बल्लाक हे ज्या जुला । उकीं जिमिसं उकी अपलं कपः स्याकः च्वनय् नं म्वः । जनता थः हे उकिया थुवः व पिवः काथं च्वडः ज्या याइगु ।

सार्वजनिक जग्गा त्यलः काइगु व फल्चा थःगु यायता स्वत धःसा जिपुं सुकं

स्वयो जक मच्वडा । सुननं अथे त्यलः ज्या यात धःसा वं गुलि खर्च याडः व संरचना दय्कःगु खः व स्वयो डा दुगं, च्यादुगं अप जरिबाना याकः थुयता वांगु धेबा नं पुइकय्गु । व जिमिसं सार्वजनिक सम्पति ब्यक्तिं थमनः जक याडागु खाँ ज्या खं मेपुं नं ग्याडः अथे थमया दक मति तयो अथे याडागु खः ।

जिमिसं गुलिथासय्या सार्वजनिक सम्पतिं आमदानी जुइगु खः सा टेण्डर याडः ज्या छय्यके नं बिया । मेमेगु सार्वजनिक पूर्वाधारत नं ज्या खय् छ्यलय् मफयो च्वंगु दः सा उकिता गथे याःसा ज्या काय् फैं दकः योजना नं दय्केगु । गथेकि अः गुलिं सामुदायिक भवनय् कुथि भवनामिपुं म्हवँ जुयो च्वंथाय् गनां जिमिसं सामुदायिक साफूकुथि दय्कागु दः । गनां खेलकुद समितिया कार्यालय तयागु दः । गनां आयर्वेदिक उपचार केन्द्र तयागु दः सा गनां पशुचिकित्सालय केन्द्र तयागु दः । नेगू वडा छगू जूसेलिं (खाली जगु) प्वंगु पुलांगु वडा कार्यालयता न्हँगु कार्यालय तयागु दः । डक्टरत ताडः स्वास्थ्य केन्द्र नं चाय्कागु दः । अथे तुं तयो तः सा व भ्वाभः जुयो स्यडः दुडः वानिगुलिं अः ज्याखय् छ्यलागु जक मखु त्वालय् हे थी थी सेवा सुविधात दयो जनतात लयतायो च्वंगु दः ।

जिमिसं न्ह्याबल्लें जनता स्वयो ज्या सानय्गु । नेपाल मजदुर किसान पार्टी जिमिता वहे काथंया निर्देशन नं बिइगु । थजगु ज्या सानय् बलय् जिमिता छुं न्हँगु ज्या साडागु थें मति नं मवां । जिमिसं फछिं फक्व जनताया सम्पति जनताताहे अपलं अपः छय्यकेगु व जनताता भिं जुइगु काथं ज्या सांकय्गु ज्यापा मिलय् यायता कुतः जक याडागु खः । गुलि तःला धाय्गु खाँयां जनतां हे मूल्याङ्कन याइगु खाँ जुल ।

(ल्याखाडः स्वय बलय् सार्वजनिक सम्पति ल्यंकः म्वाकः तयगुलि मेगु स्थानीय तहः स्वयो अपः बिचः याडज्या सााडः च्वंगु ख्वप नगरपालिकाया प्रमुख सुनिल प्रजापति नपां रवीन्द्र घिमिरे जुं याडः दय्गु खँहाबन्हाया सार)

स्रोतः आनलाइन खबर डटकम

सहरी विकास मन्त्री रामकुमारी भाँकी ता खुल्ला पौ

मन्त्री जी

ज्व ज्व लपा

विवेक

एमालेया विद्यार्थी संगठनं राजनीति पलाछिड भःम्हा छि पार्टी क्वचा दलय्वं अः न्हँगु निस्वांगु पार्टी एकिकृत समाजवादी पाखं सहरी विकासमन्त्री जुयो दिला, जि भ्याभाति हे आजु मचाया । छाय् धःसा पूँजीवादी पार्टीया छम्हा छम्हा नेता कार्यकर्तापिसं सरकारे वानयगु न्हयगू पुस्ताता गाकः सम्पति मुनयगु, सुखी जीवन न्ह्याकयगु आजु तयो च्वनिगु उकिया निति पार्टी तछ्याड, स्वाड नीति व सिद्धान्त छख्य लिइक छुवई । अः छिं वहे लॉपु ज्वडः दिला उकी मन्त्री जुयगु हवता चुलात । उकि जिगु धायगु छुं हे मरु । मन्त्री तयगु किपाया इवल्य सिंहदरवारे छिगु नं किपा छपा यखाइ । बस उलि हे जक खः ।

एमाले च्वंबलय हे छिं न्हयलुवा मिसा (युवा नेतृ) या म्हासिका पिबव्य धुंकगु खः । जिनं समाजवादे आस्था तयो हज्याडः च्वडाम्हा छम्हा बिस्कं पार्टीया मनु खः । एमाले दुनय ल्यासे ल्याम्होपिसं न्हयलुवा जुयो हज्याय्मः धायगु बहस जुयो च्वंगु इलय जिं छि नपां न्हयलुवा जुयो वै ख्वःपुं अपलं ल्यासे ल्याम्होपिनिगु बोली, व्यवहार व ज्यापा (कायशैली) हदाय च्वडः स्वयो च्वडा । छिगु कपः तज्यागु किपा प्याहाँ वः बलय थजु, अनेराश्ववियुया नकी जू बलय नं छिगु छगू छगू ज्या इवः क्वथिइकः स्वयो च्वनयगु ।

छि सांसद जुय धुंकनं विद्यार्थी पहः मवानि । छिगु व पहः व व्यवहार छकजक मखु, अपलं स्वय धुन । छक छिं छगू छगू टेलिफोनया खँलाबलाख्य छम्हा मनूता तस्कं क्वह्यंकः अमर्यादित, क्वह्यंगु, तस्कं बाँमलागु खँगवः लं मनय वथे बवः ब्यगु सामाजिक सञ्जालपाखं न्यडागु दः । व खँगवः त च्वयगुयां छु सुयायगुं हनयँ धाय तक नं काथं मछिं । छि नपां खँ ल्हाम्हा मनु छिगु बिचः नपां पाः म्हा मनु जुयमः धायगु अनुमान याडा । न्ह्याम्हा थजुयो ब्य फुक्कसिया मानवीय मूल्य व मान्यता दै । छम्हा राजनीतिक कार्यकर्ता, देया सर्वोच्च निकाय थ्यंम्हा मनु अजगु खँगवः छ्यलयगु बांलागु खँ मखु ।

एमालेया नायो के.पी ओलीया विरोधय् थाय् थासय् भाषण याड जूबलय छिं पार्टी अनुशासन, मर्यादा, पार्टी नेतृत्वया सम्मानता भ्या भाति हे च्युता मतसिं जुला । खयां थव छिगु दुनयया खँ खः । जि कपः स्याकय् मःगु छुं हे मरु । अथेनं एमाले थजगु दे या दकले तः हांगु पार्टी व उकि दुनयँ युवा पुस्ताया थःगु हे छबिदय्के धुंकम्हा सिं फिलिमी पहलं त्वाथय् टेप तिकः हाकुतिड

छ्वगु, नं त्वयो वां छ्वगु, न्हयलुवापिन्ता मनय व थें म्हुतु वागु न्यडा बलय एमालें न्हपुं ल्यासे ल्याम्होपिन्ता गथे याड स्यड तला, धायगु सिइके थाकु मजु । गोरखाय् भायोछिं थःगु हे पार्टीया नेताकेपी ओलीता मनयवथें म्हुतु ल्हागु जक मखु राष्ट्रपति विद्यादेवी भण्डारी जू याता नपां तस्कं क्वह्यंगु, अपमानजनक खँगवलं बवः बिला । मेपिसं छु धाला व यां जिं मसिया तर छिं आपासिकं क्व ह्यंम्हा नेतृ जुइ धायगु जिं मति तक मतया । पार्टी तज्याय् धुंकः थाय् थासय् वाडः नुवागु सभासं छ्यःगु खँगवलं छि गुलि ग्यं, छिगु बौद्धिक स्तर व गुलि राजनीति च्वजः म्हा धायगु खँ उल क्यन ।

छिं राष्ट्रपति भण्डारी नपां तम्बयकगु छाय् ज्वी दक सिइकेगु कुतः याडा । लिपा सिय दत २०७० सालया संविधानसभाय समानुपातिकपाखं छिगु नां पक्का थेंहे जुय धुंकगु अथेनं पार्टी छिता मतः सिं विराटनगरे च्वंम्हा तस्कं तमिम्हा राज्यलक्ष्मी गोलछाता दुजः याड यंकला । उकी राष्ट्रपति भण्डारीया तहांगुलाहा दःगु धायगु खँ छिं धायो दिला दक छि पासापिनिगु म्हुतुं न्यडा । व गुलि धात्थें खगु खँ खः वयां मसिया अलय गोलछाता एमालें अनुशासनया कार्वाही यायगु खँ ल्हाबलय पत्रकार सम्मेलन याड हे सभासद जुयता सातकरोड तका दां खर्च याडागु दकः एमालेया मुख्य मुख्यपुं नेता तयता धेबा बियागु खँ कां बलय खँ छुखः धायगु सिय दत ।

एमाले तछ्यायगुलि तहांगु लाहा दःपुं मध्ये छिगु नं नां बय बय जुयो च्वंगु दः । भाद्र २ गते दर्ता यायगु इवल्य निर्वाचन आयोगया हः नय् माधव नेपालया लाहा ज्वडः लुतुलुयो यंकगु 'लू' स्वयबले उगु खँ मखु धाय मछिं । पार्टी तछ्यायगु इवल्य छिगु छाडा बोली, छुद्र व्यवहार, अनुशासनता हाचां गायो जुगु फुक्क नेपःमि पासा पिसं खांगु हे जुल । अलय थौं जिं छिगु व खँ च्वय ताडागु मखु छिगु पार्टी कन्हे छु जुई ? व कन्हेया सुजद्यो वं क्यनि हे तिति ।

छिं समाजवादया अपलं तः तः हांगु खँ ल्हाय् धुकल । समाजवाद छु खः व म्हुतुं हाल जुयगु खँ जकः ल्हायगु विषय मखु । अः यां छि नीति दय्किगु थासय् जक मखु ज्या छ्यलिगु (कार्यान्वयन याइगु) थासय् दी । फुक्क थासय् नीजिकरण याड गजगु समाजवाद निः स्वानय तांगु खः ? धाय् थाकु । जिं थुइकय् मफूत । उत्पादनया मू मू साधनत सामाजिकीकरण, शिक्षा व स्वास्थ्य उपचारे धेबा म्वायकः निः शुल्क, फुक्कसिता ज्या दैगु



न्हयःन्हयगूगु स्वप पौ, बःछि पौ(पाक्षिक)

रोजगारीया सुनिश्चितता श्वहे समाजवादया विशेषता खः । निजीकरणया पालिङः ह जुइपुं छुं नं काथं कम्युनिस्ट जुय फैं मखु । थुलि खाँ धःसा जिं छिता सम्भेयाकः चवडा ।

छुं नं पार्टी घोषणा पत्र काथं ज्या छ्यलयता सरकारे वानिगु याई । अले छिगु पार्टी अतःक छुं नं काथं थःगु पहलय् ज्याय् फःगु मरुनि । छिगु ज्या पाख्य गनां समाजवादी पहः व बिचः मखाडा । जिं मति तथा अः यां एमालें स्वयो विकासया ज्या हज्याकयता धिसिलाक पला छिई, समाजवादी पहलं ज्या हज्याकी । वयां फुक्क जिमिगु आशा जक जुयो बिल ।

छि सहरी विकास मन्त्री जुयवं हे उपभोक्ता समितिता मतय्गु खाँ क्वः छिता । छम्हा निरंकुश शासकं थें देशादेछिया ७५३ गू स्थानीय तहलय् उपभोक्तापाखं छुं नं ज्या याकय् मते दकः उजं बिल । देशय् उकिया गजगु लिचवः लाई धाय्गु छिं गुब्लें बिचः याडा ला ? व खाँ ठेकेदारपिनिगु मति काथं अमिता काथं छिकय्ता यागु धाय्गु खाँ थुइके थाकु मजु । चिच्या-चिच्या हांगु ज्या छक्वचा नपां ठेक्का बियो निजी क्षेत्रता प्वा थांकेगु छिगु गजगु समाजवाद ? थौं देशां देछिया स्थानीय तहलं स्थानीय जनताता छ्यलः विकास निर्माणया ज्या हज्याकः च्वंगु याता पाडः उखेला थुखेला मदय्केता गैर जिम्मेवारी मखुसा मेगु छु खः लय् ?

जिं छिता दुनुगलं निसें धाय् मस्तिव संसदं दय्कगु कानुन फुक्क नागरिक पिसं डालः काय्मः । मन्त्री साधारण नागरिक स्वयो चव्य् याय्म्हा मखु जुयनं फैं मखु । स्वयोदिसैं- सार्वजनिक खरिद ऐन २०६३ या दफा ४४ खं उपभोक्ता समिति वा लाभग्राही पुचः पाखं ज्या याकय् दैगु अधिकार बियो तःगु दः । अथेहे सार्वजनिक खरिद नियमावली २०६४ या नियम ९७ सं एक करोड तका दां तकया लागत अनुमान दःगु निर्माणया ज्या उपभोक्ता समिति वा लाभग्राही पुचः पाखं याकय् फैं धाय्गु ब्यवस्था याड तःगु दः । तः भवखाचां स्यंकः ब्यूगु संरचनात ल्हवनय् कानय्गु 'भूकम्पबाट प्रभावित संरचनाको पुनः निर्माण सम्बन्धी सार्वजनिक भवन, (मंक छँ) संरचनात नेगू करोड तका तकया उपभोक्ता वा लाभग्राही पुचः लं याय्फः धाय्गु खाँ स्पष्ट चवयो तःगु कानुनी ब्यवस्था दः । छिकय् थुगु कानुनया ज्ञान मदयो मथुला ज्वी दकः जि गथे ताय्केगु ? कानुनया अखः स्थानीय तहता उजं बियके ब्यूपुं व सु सु ठेकेदारत खः ? छि अजपुं मनूत नपां तापाक्क चवनय्ता सचेत याय्ता जक श्व खाँ न्हि थाडागु खः ।

मन्त्री जू अः नं संघ व प्रदेश सरकारया अपलं बजेट खर्च ठेक्का पाखं हे यंकगु याड च्वंगु दः । आ.व. २०७८/७९ या डाला दुनयँ मुक्कं पुँजीगत खर्च ११ प्रतिशत जक जूगु खाँ पिबवयो

तःगु दः । उपभोक्ता समितिता बः बियो ज्या सांकः च्वंगु छवप नगरपालिकां श्वहे ई दुनयँ चालु २८ व पुँजीगत २० प्रतिशत याड मुक्कं २४ प्रतिशत बजेट खर्च याय् धुंगु धायो च्वंगु दः । सरकारं थुगु आर्थिक वर्षे छगू छगू महिनाय् १० प्रतिशत ल्याखं विकास बजेट खर्च, याय्गु दाबी यागु खः । शहरी विकास मन्त्रालयया पौ खं यां भन विकास बजेट खर्च म्हवँ जुइगु पक्का खानय् दः । बजेट सफल जू मजु वार्षिक खर्चया लिधांसाय् ल्य ज्या याई । वांगु दायँ स्वयो थुगुसी बजेट खर्च खय् म्हवँ जूसा गथे छि सफल मन्त्री ज्वी ?

शहरी विकास मन्त्रालयया रवसालय् स्वनिगः या मेयरपिनिगु बैठकया बुखाँ पिबवत । बुखाँसं छवप नगरपालिकाया फुक्क धाय्थें विकास निर्माणया ज्यात उपभोक्ता समितिपाखं लागत इस्टिमेट स्वयो अपलं म्हवचा धेबां तस्कं भिंकः, बांलाकः, बल्लाकः न्हय्कनय् स्वय्थें पारदर्शी काथं ल्या चा पिबवयो याडः च्वंगु जनाकारी बिला धाय्गु खाँ न्हि थाड तःगु दः । छिं बैठकय् हे छवप नगरपालिकाया ज्या याता च्वछाला धाय्गु नं न्यडा । अलय् छिं मेमेगु थाय्या खाँ न्हि थाडः उपभोक्ता समिति पाखं जुइगु ज्या ९९.९९ प्रतिशत मखुथाय् लाडः च्वंगु दक कुंखिडः दिला हँ । न्हयागु थजु छवपया बांलागु खाँ सिइकः धायो द्यगुलिं छिता सुभाय देछायो चवडा ।

मन्त्री छिं त्रि.वि.वि पाखं स्नात्तकोतर तगिं पास याडः द्यगु खः । गुम्हा अपराधीत त्वः तसां छम्हा निरपराधी सजाय फय् थम्बः धाय्गु कानुनी मान्यता छिता कानय् माली थें मच्चं । बाँमलागु ज्या याइपिन्ता कार्वाही याय्गु अधिकार छिकय् दः । मेपिसं बाँमलाक ज्यायाता धा धां बांलाक ज्या सानि पिन्थाय् नं ज्या दिकय् बिय्गु छुं काथं हे बांलागु ज्या मखु । बांला-बाँमला न्हयाथाय् नं दै । बांलाकपिन्ता च्व छायो बाँमलाकपिन्ता सजाय वियगु हे न्याय खः ।

ठेक्का वियवं हे बांलाइ धाय्गु खाँ मखु । अः अपलं ज्या ठेक्कां याकय्गु याडः च्वंगु दः । ठेकेदार पिसं गुलि योजनात अखय्ला थखय्ला मदय्क अलपत्र याता धाय्गु लेखाजोखा हे मरु । ताँ दय्क-दय्कं तुं दुडः वांगु, दाँ दाँ तक लाँ, ताँ व मेमेगु संरचनात अलपत्र याड त्वः त राज्यया अरबौ तका दां ठेकेदारपिसं लुटेयाडः च्वंगु स्वयबलय् यां अजपुं छम्हा छम्हा सिता ह्यो यखायो स्याय् मः सिं वः । धायां छुयाय् कानुनय् मृत्युदण्डया ब्यवस्था मरुगुलिं समस्या जुला ।

थुगु इलय् जिं छिता छवप नगरपालिकां याडः च्वंगु छुं ज्यात कानय्गु कुतः याडा । छवप नगरपालिकां २०७२ सालया तः भवखाचां स्यंकः ब्यूगु ११८ गू सम्पदात ल्हवनय्-कानय् व दानय्गु ज्या क्वचाय् धुंकगु दः । मेमेगु अपलं योजनात नं क्वचाय्



धुंगु दः। व फुक्क सम्पदाया पुनः निर्माण स्थानीय जनतां निःस्वांगु उपभोक्ता समिति पाखं जूगु खः। भिंकः बांलाक यागु ज्या स्थानीय सीप व प्रविधित छ्यलः, स्थानीय जनताता ज्या दैगु ल्याखं उपभोक्ता मोडेल तस्कं बांलागु मोडेल खः धाय्गु जिमिता मति वाड च्वंगु दः। ख्वपया लोकं ह्वागु डातापोल्हें देगः ख्वप नगरपालिकां उपभोक्ता समिति पाखं दाच्छिहाँ ल्हवनय् कानय् याय् धुंकगु खः। उगु ज्याखय् प्यद्ध व नेस स्वयो अपः सिनं श्रमदान यातसा १६ लाख तका स्वयो अपः आर्थिक ग्वाहाली व ५ लाख तका याय्ति जिन्सि ग्वाहाली यागु दः। उपभोक्ता समितिं अपलं योजनाखय् १ लाख निसें ५० औं लाख तका दां ग्वाहाली व श्रमदान कायो ज्या सांगु यक्व हे उदाहरण दः। थुकिया धलः (फेहरिष्ट) अपलं ताः हाक दः। नगरपालिकायां थःगु हे (आन्तरिक स्रोत) धेबां विकास निर्माणया अपलं ज्या उपभोक्ता पाखं जुयो च्वंगु बांलागु भक्तपुर मोडेलया ज्या मेथाय् नं छ्यय्केगु कुतः मन्त्री जु पाखं याकय् मः।

छि उलि मथां ठेकेदारपिनि पाखं छाया मन क्वसाय्क जुला दक जिं छक बिचः मयासैं मगात। लिपा तिनि सिय दता, छिगु लसपसयां ठेकेदारपुं नपां दःगु जुयो च्वना। छिगु मन्त्रालय दुनयया बागमती खुसीया मुहानया ड्याम स्वः भः बलय् शिवपुरी रिसोर्ट गुलि लाख खर्च याड दिया ? व फुक्क धेबा ठेकेदार पवन महतौं पूला धाय्गु खाँ प्याहाँ वला। थजगु बुखाँ न्यडः जिपु अजु चाया।

अभ् छि मन्त्री जुय धुडानिं नं गुण्डा व उनया पहलं जिन्स पाइन्ट न्ह्याडः योजना स्वः भःगु बुखायां जिमिता लज्या चाय्पुगु खाँ जुल। मन्त्री छुं छगू पार्टी याय्म्हा जक मखुसैं सकल जनताया मंकः ब्यक्तित्व जुई। सरकारे च्वंम्हा सिनं सरकारया इज्जत नं याय् सय्के मः। एमाले उनबाद व धनवादय् दुं दुं वाडः बदनाम जु जुं वयो च्वंगु इलय् छिगु पार्टी लिपा छु जुई धाय्गु न्ह्यसः दाँ वई। नेपः या लागिं मेगु एमाले पार्टी म्वँ।

न्हँगु बिचः व मति ज्वडः हज्याय मफूसा न्हपा छक चाय्कगु वामदेवया न्हयलुवाया माले पार्टी थें छगू नं छगू त्वहः चिडः एमाले दुनय् हे कपः क्वछुकः वानय् म्वाली हे मखु। थव जिगु अनुमान खः। अलय् व खाँ लिपाया दिनय् कयँ हे क्यनितिति। छि सार्वजनिक पदय् च्वडः च्वंम्हा जूगुलिं छिगु जीवन शैली व ब्यवहारया खायँ कुखियगु, सुभावा वियगु छम्हा छम्हा नागरिकता अधिकार दः। भिंकः ल्हवनय् फःसा छिता व देशया नितिं बांलाइ धाय्गु मति वां। पौ च्व च्वं ताः हात। ल्यं दःगु खाँ लिपा च्वय्।

**वहे छिम्हा पासा
सुजन**

म्हागसःया रडः

काशीराम विरस

मुक्कं सर्ज फायो
धर्ती छपातं लायो
छबोरा म्हागसःया फुंगा तयो
धर्तीमांया छपुच मस्त
याउंक देनी चछि चछि।

यच्चुगु गर्भं बुईकुगु
किचलं मदगु बिचं जःगु
ज्यासनामीया छगू चिं ख जि
आस्थाया च्वापुगुं जक म्हासिकी जिता
छायधासा,
थव आस्था व जि बुगु चिं छगु हे खः
चिकुलाया लिभः व प्रजातन्त्र
अथेतुं अथेतुं तः जिता।

सुथसिया ह्योउँलिभः
गुगु चबुचाः त्वाल्हाड पिज्वःगु जः
गथे जि आस्थाया च्वापुगुं
क्वँहा वयाबलय् छकलंतुं
विचः फुकं बचारय् न्हयो वयो च्वन।
अँ,
समाजवादी क्रान्तिया निति
म्हुचिंगागु थव ल्हा व सः
च्वापुगुं न्याल मदिकक न्ह्यावया च्वंगु
खुसिवा,
अथे अथेतुं तः जिता
खः,
थव खुसिवालं त्वतगु चिं
व जिगु म्हागसःया रडः
अथे अथेतुं च्वं जिता।

नेवः संस्कार तुनयँ सुकुचा कँ

आशाकूमार चिकंबञ्जार

सुकु खानयगु चलन अपलं मनूतयगु जात जाति दुनय थी थी काथं म्वाडः चवंगु दः । अथे धाय् सुकुखानयगु चलन मनू तयसं सभ्यताया जालय बजी प्वः चियगु थें पित्याई बलय् काचाक्क फ्यडः नय् दैगु काथं याडः तःगु खः । थौं कन्हेया 'ड्राइ फुड' अथे धायगु न्ह्याब्लें न्हयाथाय् नं प्वःफ्यड नय् ज्यगु नसा काथं दय्कः तःगु नसा उब्ले अथे मरुगु इलय् पुर्खाया मनं सः थें वैज्ञानिक पहलं थी थी नसा त सुकु खानयगु याडः तःगु खः । उकी मध्ये सुकु कयें नं खः ।

सुकु खानयगु इवलय् मोहनीया सुकुला नं खः । मोहनी धुं धुं चिकुला नं वडगु लिं सुकुला याच्य काडः धवगिडगु मखु धायगु मतिं मोहनी बलय् सुकुला खां सां सार्यं तय् धःसा भुथु चवय सुकुला न्ह्याब्लें खानेगु याई । नेवः समाजे थथे लिपाया लागिं मः धायो दुकुतीं स्वथाड तैगु मध्ये माः बजी (बजी ल्हयो महःसिं स्वथाडः तःगु बजी) हाकु जाकी, मासीं जाकी, माघ बलय् थुयो तःगु थ्वें, ह्यो थ्वें, ऐला, गुन्चा, फिडा अचार, स्वकंचा, सकिचा (डाचा, मस्यौरा) लाभा गाजः, यखायो तःगु प्याज गाजः, मल्ला मँ, हलु, पालु सुकु, लै चाना, गांगु मल्ला, आलु खैचाय् तयो आलु, थी थी बुबः (कःसु, मायँ, सिमि, भूति आदि) छुचुं, गुन्दु अनेक अनेक दः । थव फुक्क दाच्छी तक छु नय धाय् म्वाय्कः (भण्डारण) धुकुती स्वथाड थःगु तुतिखय् दानय् फय्केता पुर्खा बिचः पुरेयाड बांलागु धंगलं मनय् स्वताक्क छँ स्वथांक तकगु खः । उकि मध्ये दाच्छी तक स्वस्थकर (तरकारी) कँ नयगु मतिं सुकुचा कँ स्वथांकः तकगु तस्कं वैज्ञानिक खानय् दः ।

इयालय् दांकः तुकं मँ
वहे ल्यासे जिता मँः
व ल्यासे मदय्कनं जा हे मनया ॥

फार्गुन थयनकिं इयालय् दांकः तुकं मँः दैगु खाँ थुगु लोक म्यँ या लिधांसाय् नं भीसं धाय् फः । छाय् थुगु इलय्या कँ सुकु खानिगु थुकि दुनय नं छक दुवाल स्वय मालि ।

वालय् ज्या धुं धुं छ्व क्वाय्गु सुरु याई । छ्व बाय् गनां गनां तू नं हवल भाति भाति कँ नं म्वाई । वहे कँ नं मँः हानिगु खः सां गुलिं तू काय्ता जक नं छ्वबाय् कँ हवलिगु खः । अलय् छ्व क्वाय् धुकुः बुलुहँ आलुबा पालः आलु पु कायो वहे पूतिसं कँ हवल, तू पिडः तुकंचा बुडकि । वहे तुकंचा वू वय हॉ म्वयो कँ मँः हानिगु याई । गुगु कँ तस्कं क्यातुगु जक मखु तस्कं साइगुलिं तुकः मँ जक धायो इयालय् यखायो पाइगु याडः तःगु खः ।

अथेहे उगु हे इलय् लाभा वा प्याज बा नं याइगु लिं उगु थाय्या तरकारी साखय्चा, प्वाकेचा नं मँ हानयगु या । ख्वखःचा धःसा उलि मँ हानि मखु । थुगु



ल्याखं काँतू, पर्व तू, साखेचा तू, प्वाकेचा तू हवलः तरकारी म्वयो सुकुकेँ हाडः दाच्छी नय्ता गाकः पाडः तैगु खः ।

थौं कन्हेँ कँ मँः हानय् सःपुं न्हँगु पुस्तात मदय् धुकलः धः सां पाई मखुला ? बेमौसमी तरकारी व सां निसें थुकिया चलन नं मदयो वां थें चवन । गुकिं भी न्हिया न्हियं कतया भरे म्वाय मःपुं परजीवी व विष दःगु विषादी अथे धाय् की सीइगु वास हवलः तःगु तरकारी नयो जीवन फुक्क च्वडापुं मनू जू जू वयो चवंगु दः । पुर्खा त्वः तः तकगु प्रविधियाता हेला याड, अथेधाय् वेवास्ता याडः कतया च्यो बुद्धि काकां थःता बुलुहँ प्यंकुं धुं म्हितय् बलय् थें कुंकः कुंकः वाडापुं भी मनूया बुद्धिं गनां स्वर्ग धायगु दःसा भी बाज्यापुं पुर्खापुं आना च्वडः न्हयल चवनिला ? ख्वयो चवनिला ? वा तंम्वयकः चवनिला? धाय् थाकु ।

कँ मँ हानय्ता दकलय् न्हँपां सु माल । सुयाय् गु लू न्यलः, लू खं काकः, कँ मँ हानि । लू न्यलय्ता बासु दःसा बांला धाई । हाकुवा तयो पुथुचा तयो नाइक तःगु वासु लु न्यलय्ता जक मखु सुखु थाय्ता नं छ्यली नपां खिपः न्यलय्ता नं बासु हे छ्यलय्गु याः । अः बुलुहँ हाकुवा तयो बुरांज्या मयासेलीं, वालय् धुकुः पुथुचा मतः सेलिं बासु मदयो वानिगु पक्का हे जुल ।

न्हपा न्हपा (तिब्बतियन) सार्यं दे याय्पिसं हतालं (आक्रमण) यागु इलय् फुक्क वा लयो वः ता तयो तकगु खाडः थाय् थासय् वता-वताजक दःगुलिं अमिगु भाषं ख्वब्राड धायो ख्वप्रिड नां ख्वप दे या जूला धायगु किम्बदन्ती दःगु भीगु परम्परा बुलुहँ तुसुडः वान ।

वहे लूखं कँ मँः हानिबलय् छम्हासिनं ठिक्क ठिक्क म्हेँ याडः कँपुती तयो बी ।



न्हयःन्हयगूगु स्वप पौ, बःछि पौ(पाक्षिक)

अले वहे कँ मँ हा हां थःता गपा हाकः मः उलिया छमः याडः कँ मँ हानी । अलय् झ्यालय् यंकः चक्का नेगू क्व स्वकः झ्यालय् हः नय् पँतयो त्वनसिँ वा लगः प्वाल्य् पँ तयो कँ मँः सुकु खानी । तः तः म्हु तल धःसा दुनयया तुकचा म्हवसुयो क्वह थें जुडगुलिं ब्वति तै बलय् ठिक्क ठिक्क याडः जक तै ।

कँ सुकु गानकिं थवयो काँसी खय् तयो पुयो तै । गुम्हां गुम्हां सिया मँ नपां तयो तै बलय् छुं चां भौचां फोहर याड तकला धायो काँसी खय् गुम्हासियां बोराखय् गनां गनां भकारी खय् नं स्वथाड तै । कँ थवय् धुंकया ल्यँ दःगु चिखी याता (तुकं मँ चिखी) तुक्मचिखी दकः धाई । उगु तुक्म चिखी नं सितिं मछोसें तुसिमाः फसिमा, भुतिमा अनेक जः वानिगु माः खय् गसी नपां था गय्केता छ्यलय्गु याई । अपः दःगु छ्वमाः कलय् चिय्ता लिसिं मल्तामा, भान्तामा कलय् चिय्ता नं छ्यली ।

सुकुचा कँ दाच्छितक कँ नय्ता छ्यलि । थुगु कँ सुकुचा जूसां खुनीबलय् वंगु क्यँ थें च्वनिगुलिं नं थुकिया छ्यल म्हवँ मजगु खः । सुकुचा कँ नपां आलु, सकी नं छ्याडः तरकारी दय्केगु या । अलय् वापिज्या बलय् सुकुचा क्यँ माडः वालः भ्योतं छभ्यो तरकारी दय्क छगू अपः घाःसा दय्केगु या । मेबलय् नं थथे न्हिनयँ तरकारी दय्केता छ्यलय् गु या । थुगु कँ खय् इकं सुकु छ्याडः, छुचुं तयो भ्यात कँ नं दय्कः नय्गु याःसा, ग्वार्चा दाय्कः ग्वार्चा नपां क्वा क्वाकं नयो चिकु तांकय्गु नं या । असारतक थुकियाय् महिमा धःसां दाच्छी सार तुं नय्गु धःसा याडः च्वंगु खानय् दः ।

थौ कन्हे अपलं ल्वय ल्वाक ज्यागु चिकं खं वला धःसां उब्ले थःगु बुई त् सय्कःसःमिदाजुया सालय् यंकः तू काकः चिकं पिकायो स्वस्थय चिकं नसा ज्वलंखय् ह्वाड नैगुलिं अजगु क्यान्सर (जन्डिस)

म्हवसु ल्वय थजगु थी थी ल्वय् म्हवँ जकः खानय् दः । अः धःसा कतया भरे थी थी चिकं छ्यलः बुलुहुँ भीसं ल्वय सःतः ल्वय मुडः च्वडागु थें जुय धुंकल । अजगु तू या तुकंचा सुकु खाडः दय्कः तःगु (तरकारी) कँ अस्वस्थ जुडगु खाँ हे मत । अथेनं अपलं विकास व यातायातया साधन कल-कारखानां याडः तरकारी नं दूषित जगु जक मखु बांलाक बुयो मवगु खाँ नं न्यनय् दः । उकी की सीडगु वास तयो तरकारी बा यागुलिं नं स्यँ, स्वँ नुगःया ल्वय वला दक सः स्यू व थूपिसं धायो च्वंगु दः ।

कँ मँः हानय्गु स्वयो थौ कन्हे अथेंतुं जस्ताय् वा कःसि पाय्गु नं याड हःगु दः । अलय् लू खं मँः महासँ प्लास्टिकया खिपतं चिच्या-चिच्या मँः याडः मचाम्हा कँ मँः नं कःसि यखायो पुर्खाया परम्पराता म्वाकः च्वंपुं नं मरुगु मखु ।

धाई दकलय् न्हँपां सांस्कृतिक अतिक्रमण याई अलय् तिनि देशय् अतिक्रमण याई । दाच्छीसारं अनिकाल हे जूसां पित्याकः च्वनय् म्वाय्क भी पुर्खापिसं क्यडः तकगु लाँपु ट्रंक कतया लाँपुई ट्रहँ वानय् धुंगु थौ या न्हँगु धःगु समाजय् भी भन-भन स्वतिपायँ दुनय् स्वतिडः वाडः च्वंगु दः । 'हुलमूलय जिउ बचे यो, अनिकालय् पुसा (बिउ) जोगे यो । धायो तकगु द्यो बचंयाता न्हूतु न्हूयो कतया प्रशंसा यायां ई सितिं छ्वयो न्हिया न्हिथं सीमनू जुयो म्वाडः च्वंपुं मन् तय्ता गनां आस्तिकया विश्वास याय्गु खःसा सुकुचा कँ मँ खं सरा बियो जक च्वना ला ! अलय् कोल्ड स्टोरया नामय लिपा थयंकता ल्यंकः तय्गु थौ प्रवृतिं भीगु कँ मँ हाडःल्यंक तय्गु थःगु हे पहः, थगु हे विधि गनां इतिहासया पानाय् जक ल्यं दैगु खः ला ! नपां 'झ्यालय् दांक तुकं मः' धाय्गु म्यँ या अर्थ वा खाँग्वः ज्याडः न्हँ पुस्ताता खाँग्वः धुक्या लिधंसाय् कानय् मालिगु खः ला ? अलय् सन् १९५० सय् छम्हा विदेशीं कःगु किपा धायो तः पाकः तस्वीर दय्कः म्युजियमय् तयो तः

थाय् न्हँ पुस्ताया ब्वनामिपिन्ता क्यनय् यंकय् मालिगु खःला । अथे धाय् नेपःया कँ सुकु खानिगु विधि खय् छम्हा विदेशीं पि.एच.डि. याता धाय्गु विषय भी न्हँ पुस्ताया न्हय्पं न्यनय् थम्बः अमिगु मिखां स्वय थम्बः । श्व स्वस्थकर तरकारीया महिमा थुइकः अः निसँ हे बिचः याय् मालि ।

स्वनिगः या मल्ल जुजु पुं गुब्लें यामि व यलामि जुजु मिलय् जुयो छ्वपय् आक्रमण याडः बुई सःगु अन्न धू धू मधू याडः बिडगु गुब्ले छ्वप व यलय् मिलय् जुयो यँ गुब्लें छ्वप व यँ मिलय् जुयो यलयँ आक्रमण याडः बँया बाली स्यंकः विडगुलिं पित्यां मथिइक च्वनय्ता पुर्खां तस्कं बिचः याडः अनेक अनुसन्धान याडः दय्क तकगु तुकंमः सुकुचिसां थुकिया महिमा गुब्लें हे सुकुचिकय् मज्यु । भारतया बजारं अपलं वयो च्वंगु तरकारी न्याडः नय्गु सबः थुय धुम्हा परतन्त्रया म्हुतुं तः कःहे नाकाबन्दीया मार फय धुंकगु नं बिचः मयासँ मगा । अलय् भीसं न्हँगु पुस्ताया ल्यासे ल्याम्होपिन्ता तुक्मचिखीखय् हाडः भीगु देशय् हे ज्या दय्कः हाडः तय् मफयो गुलि नं थौ भी थौ वल थौ पार कन्हे वल कन्हे पार' या स्थिति लाडः 'जूगु स्वय लूगु नय' धा धां लाहाफय्गु बानी हछ्याडः च्वडा । थःगु लाहातं नय्गु गुलिया धाय्गु थुइकं थुइक. कतया लाहातं नकगु यो सां मयोसां यो यो धा धां छ्वः ज्याडः न्हयल च्वडा । मसासां 'सा सा' धा धां बः याड याडः काँ थुं क्वता छ्वयो च्वडा । 'पुर्खा दय्क तकगु सम्पति भीगु कला व संस्कृति' या मर्म मथुयो मिखा दया नं कां पुं थें, लाहा तुति दयानं अपाड्गुपुंथें जुइक थःगु भिंगु बांलागु धाय्गु सिइकं सिइकं ठेकेदारता नसा-त्वंसाया ठेक्कालः ल्हा ल्हां मन्दविष नयो च्वडापुं भी २१ औ शताब्दीया बुद्धिजीवी पिसं सुकुचा कँ या महत्व थुइके फःसा भीता श्वी, पुर्खाता श्वी, भीगु देता श्वी अलय् थौ या युगयाता श्वी ।

स्वप नगरपालिकाया ज्या भवः त

९ वडाय् कःसि खेतीया तालिम

स्वप नगरपालिका वडा नं. ९ वडा कार्यालयया ग्वसालय् न्हँगु बस्ती तुमचो दुगुरे चोखा आवास लागाया मिसा मस्तय्ता स्वन्हँया कःसि खेतीया तालिम क्वचाल । २०७८ पुस ८, १० व ११ गते जुगु उगु तालिमया उलेज्या स्वप नगरपालिकाया उप-प्रमुख रजनी जोशी जुं याडदय्गु खः ।

ज्या इवःसं उपप्रमुख जोशी जुं छँ सं विषादी मरुगु तरकारी हवल म्वय दैगु नपां ध्वगिडगु फोहर मैला ब्यवस्थापन याय्ता नं ग्वाहाली जुडगु खाँ प्वकः दिल । नसा सय्किगु बुई मनू त च्वनय्ता छँ दाड हः सेलिं बं वडगु अन्न कम जु जुं वांगु इलय् न्हिं करोडौं तकाया तरकारीत भारतं ह्य मः गुलिं बुलुहुँ कतया भरे म्वाय् माल वगु नपां विषादी नं नय् माल वयो च्वंगुलि भीता क्यान्सर, नुगःल्वय, मृगौलाया ल्वचं कयो तहांगु मानवीय क्षति फय माल च्वंगुलिं सचेत याड दिल ।

मू पाहाँ जोशी जुं तालिमं सय्कग ज्ञान छ्यल छँ जैवीक तरकारी पिडः म्वयो नय फःसा भिं उसायँया जीवन हानय् फैगुलिं कःसि वार्दाली थजथाय् काथं छिं थाय् ज्या कायो तरकारी उत्पादन याय्गु कुतः सकसिनं याय् मः धायोदिसे कःसिता अपलं भार मवांक म्हवचा चाखं गथे उत्पादन याय् फै धाय्गु खाँ नं सय्के मः धायोदिल । तरकारी उत्पादनया बांलागु ज्याखं भवखा ब्वडबल्य ग्यापु कःक्षति जुडगु काथ्या गल्ती मयाय्ता नं वयकलं सुभावा बियो दिल ।

स्वप नगरपालिका वडा नं. ९ या वडाध्यक्ष रविन्द्र ज्याख्व जुं थौं कन्हेया न्हँ जीवन शैली छ्यलय्गु नामय् भीसं शारिरीक परिश्रम याय्गु त्वः त छ्वगु खाँ कुल दिसे थः ता न्हाब्लें ली मलाक ब्यस्त याडः तय्ता तालिमं ग्वाहाली जुडगु विश्वास प्वकः दिल । मेमेगु नगरपालिका स्वयो स्वप नगरपालिका यच्चुपिचु खानय् दः सां फोहरथासय् लाकय्ता हकनं हे थाकयो च्वंगु खाँ वयकलं



धायोदिल । वयकलं कःसि खेतीया तालिम बिय धुंकः अपलं ध्वगिडगु फोहर सः दय्कः छ्यःसेलिं फोहर भातिचा म्हवँ जूगु खाँ ब्याक दिल ।

कार्यपालिकाया दुजः छोरी मेयाँ सुजखुं (प्रजापतिं) नगरपालिका स्थानीय जनताया दकलय् हः नय्या सरकार जूगुलिं जनताता मःगु थ्यंकय्ता व जनताया सेवाखय् जनप्रतिनिधिपुं जुयो च्वंगु खाँ ब्याक दिल । तता केहँ पिन्ता उत्पादन मूलक ज्या इवः खय् दुथ्याक थःगु तुतिखय् दानयँ फयके बियता स्वप नगरपालिकां थी थी लाहातय् ज्या दैगु तालिम ब्यू ब्यू वयो च्वंगु खाँ नं वयकलं ब्याक दिल ।

प्रशिक्षक सविन ख्याजुं सं.रा. अमेरिकां दशकौं निसे नाकाबन्दी या सां नं समाजवादी दे क्यवाया जनतां कःसि खेती याडः संसारया दकलय् च्वः जःगु जैविक उत्पादन याडः च्वंगु खाँ ब्याकसे थुजगु तालिमया जनस्तरय् ख्यडः यंकेता तरकारी खय् आत्मनिर्भर जुय फैगु खाँ ब्याक दिल । वयकलं तालिम थय्क स्वयबल्य छुं मखुथें च्वंसां कक्रिटयाय् सुक्खागु छँ वाउँसे च्वंकः तय्ता व प्रदुषण म्हवँ याय्ता ग्वाहाली जुडगुलिं कःसि खेतीया छ्यलय्मः धायोदिल ।

महिला स्वास्थ्य स्वयं सेविका मनेश्वरी कोजुं कःसिखेती छाय् याय्मः धाय्गु खाँ काड दिल ।

स्वन्हया उगु तालिमय् नीखुम्हा मिसात व मिजं तय्सं चा योंकय्गु तरिका, पु साल य्गु, (कलमी) कचा थुडः पियगु नेपाली सः जैविक किटनाशक वासः दय्केगु थी थी मा खय् जुडगु ल्वय व उकिता याय्गु उपचारया सैद्धान्तिक व प्रयोगात्मक सीप सय्क दिल । नपां दुथ्याक भःपुं सहभागीपिन्ता नर्सरी ब्यवस्थापन व कम्पोष्ट सः दय्केगु ज्या स्यनय्ता छन्हु अजगु थासय् ब्वडः यंकः क्यंगु खाँ ग्वसाखलं धःगु दः ।

तालिम क्वचःगु इलय् न्हाया वडाध्यक्ष कृष्ण भक्त लवजुं तालिमय् दुथ्यापुं सकलसिता दसि-पौ लः ल्हाडः दिसे छगु छगु परिवारे जाकी, दाल, खय् स्वयो अपः तरकारीखय् खर्च जुयो च्वंगु खाँ कुल दिसे तालिमं सय्क छँ छँ तरकारी पिडः हवल, सय्के फःसा छँ खर्च म्हवँ जुडगु जक मखु भीगु जीवननं स्वस्थ जुडगु विश्वास प्वकः दिल ।

सहभागीपुं मध्ये माहिली कोजु, हिरा मानन्धर, मेलिना शाक्य, सुमतिना मानन्धर, कान्छी कोजु पिसं तालिम तस्कं हे बांलागु व मदय्क मगागु खाँ धायोदिसे थमनं सय्कागु ज्या छँ छँ छ्यलय्गु बचं नं प्वक दिल ।

दतात्रय वाँ या शिविर

पुस ११

खप नगरपालिका वडा नं. ९ वडा कार्यालयया ग्वसालय पुस ११ गते खुल्ला दन्त स्वास्थ्य शिविर जुल । नगरपालिकापाखं न्ह्याक च्वंगु खप अस्पतालया प्राविधिक पिनिगु ग्वाहाली खय् दतात्रय देगः या हःनय् क्वचःगु उगु शिविरे १८ म्हासिनं वाँ जाँचय् याकगु ग्वसाखलं धःगु दः ।

शिविरे स्थानीय जनतानपां सरस्वती विद्यागृह व दतात्रय आधारभूत ब्वनय् कुथिया ब्वनामिपिन्ता नं निःशुल्क वाँ जाँचय् यागु खः ।

न्हिया न्हिथं भ्नीसं नय्गु नसातहिल व सेलिं मचात बलय्

हे वाँ किलं नैगु, नपां वाँस्याइगु थजगु थी थी वाँया ल्वयत खानय् दैगु खाँ ब्याकसे दन्त रोग विशेषज्ञ डा. सरिना बासुकलां दन्त स्वास्थ्यया विषय अपलं जनताता ग्वाकय्ता थजगु शिविर तय्मःगु खः धायो दिल । वाँ स्यागुलिं थाकुइगु इलय् थः गु हे छँ हनय् वाँया शिविर तःगुलिं लय्ता प्वकसे आनाया थाकालिपुं अजि बाज्यापिसं इलय् ब्यलय् नगरपालिकां थजगु शिविरत तयो विया दक आग्रह यागु दः ।

शिविरे निःशुल्क वाँ जाँचय् यागु नपां छुं भाति वास नं सितिं इडः ब्यूगु खः ।

‘काठमाण्डौ उपत्यका विकास प्रविधिकरण’ खारेज याय् मःगु

पुस १३

सहरी विकास मन्त्री राम कुमारी भर्तौकीया नकिलय् स्वनिगःया नगर प्रमुख पिनिगु छगू बैठक जुल । बस्ती विकास व सहरी योजनाया विषय खँहाबल्हाया लागिं सःतगु उगु ज्या इवःसं सहरी विकास मन्त्री राम कुमारी भर्तौकी खप नगरपालिकां उपभोक्ता समिति पाखं याडः च्वंगु विकास निर्माण याय् ज्या बल्लागु व बांलागु खाँ न्हिँ थांसे उपभोक्ता मोडेल तः लाकः न्ह्याक ज्या पूर्वाकय् फःगु खप नगरपालिकाया विशेषता खः धायो दिल । बैठकसं खप नगरपालिकाया प्रमुख सुनिल प्रजापति जुं खप नगरपालिकां स्थानीय सरकार सञ्चालन व नियमावलीया लिधांसाय् फुक्क ज्या तःलाक पुवांक च्वडागु खाँ ब्याकः दिल ।

वयकलं मापदण्ड दय्केगुलि स्थानीय तहता छु मः धाय्गु बिचः मयाय्गु खः सा उकियाता छ्यलय्गु इलय् तस्कं कच्चा जुइगु खानय् दःगु खाँ ब्याकसे स्वनिगः ता सास्कृतिक केन्द्रया काथं ल्यंकः म्वाक तय्मःगु न्हँ न्हँगु सहरत स्वनिगं पिनयँ दय्के मःगु सल्लाह बियो दिल । वयकलं उपत्यका विकास प्राधिकरण खारेज याडः कानुनया लिधांसाय् आवास योजनाया ज्या स्थानीय तहलं याय्गुलि मन्त्रालयं ग्वाहाली याय् मः धायोदिल । स्थानीय सरकार सञ्चालन ऐनं आवास योजना सञ्चालन याय्गु अधिकार स्थानीय तहता ब्यूगु खाँ ब्याकसे नगर प्रमुख प्रजापतिजुं तः भ्वखाचां स्यंकः ब्यूगु राष्ट्रिय महत्वया पुरातात्विक सम्पदात ल्हवनय्-कानय् व दानय्गु ज्याखय् नेगू करोड तका तकया लागत अनुमान उपभोक्ता समिति

पाखं याय् दःगु कानुनी ब्यवस्था दः धायो दिल ।

ब्यवस्थापिकां दय्कगु कानुनता मन्त्रीया आदेशं त्वाल्हाय्



मफैगु खाँ ब्याकसे वयकलं स्थानीय तहं यागु ज्यायाता मन्त्रालयं अःपुक बियमःगु खाँ नं काडः दिल ।

बैठकसं महालक्ष्मी नगरपालिकाया प्रमुख रामेश्वर श्रेष्ठं सम्पदा बस्तीया लागिं बिस्कं मापदण्ड दयकः स्वनिगःया पुलांगु प्राचीन बस्तीतय्ता सम्पदा लागा घोषणा याय्मः धायोदिल ।

बुढानिलकण्ठ नगरपालिकाया प्रमुख उद्धव रिजालं सहरी विकासया लागिं एकिकृत योजना दय्के मःगु खाँय बः बियो दिसे केन्द्रं मःगुलि स्वयो पहुँच दः थाय् जक योजना छ्वाँगुलि विरोध प्वकः दिल ।

केपु नगरपालिकाया प्रमुख रमेश महर्जनं उपत्यका विकास प्राधिकरण मःगु मखु धायोदिसे इलं फ्वं थें सहरी विकासया नीति



हिलय् मः धायो दिल ।

बैठकसं काठमाण्डौ उपत्यका विकास प्राधिकरणया प्रमुख आयुक्त जानुका ढकालं स्वनिगलय् क्वचा थयो च्वंगु जग्गाया विषयसं प्राधिकरणं चासो तयो जिल्ला स्तरीय समिति दय्कः अनुगमन यायां वयो च्वंगु खाँ ब्याक दिल ।

उगु बैठके स्वनिगःया नगर प्रमुख जुं नपां प्रतिनिधिपिसं काठमाण्डौ उपत्यका विकास प्राधिकरणया औचित्य द हे मरुगु, सांस्कृतिक व ऐतिहासिक सहरया लागिं बिस्कं बांलागु (विशेष प्रकारया) मापदण्ड दय्के मःगु, सरकारं कानुन दय्कि बलय् जनताता

न्हयःन्हयगुगु स्वप पौ, बःछि पौ(पाक्षिक)

भिं जुइगु खायँ बिचः याड दय्के मःगु, न्हँ न्हँगु बस्ती फोहर मुनय्गु व धःया बांलागु ब्यवस्था याय मःगु सहरि विकास मन्त्रालयं एकीकृत सोच तयो सहरिविकासया अवधारण हछ्याय् मःगु, चिच्या-चिच्याक्वगु जग्गाया कित्ताकाट याकय् मःज्युगु थजगु थः थः गु बिचः प्वंकगु खः ।

ज्या इवःसं मन्त्रालयया सचिव मणिराम गेलाल व सह-सचिव नवराज प्याकुरेलं मापदण्ड २०७२ या आवश्यकता व उद्देश्यया खाँ प्रष्ट याड दिलसा सहरिकरणता ब्यवस्थित याय्ता मापदण्ड कडाइकासाथ लागू याय् मः धायो दिल ।

आयुर्वेद स्वास्थ्यया महिलापिन्ता अभिमुखीकरण

पुस १५

खप नगरपालिकाया प्रमुख सुनिल प्रजापतिया मू पाहाँलय् जिल्ला आयुर्वेद स्वास्थ्य केन्द्र खपया ग्वसालय खप नगरपालिकाया महिला स्वास्थ्य स्वयमसेविका पिन्ता आयुर्वेद स्वास्थ्य बारे अभिमुखीकरण ज्या इवः बिहिवार क्वचाल ।



ज्या इवःसं खप नगरपालिकाया प्रमुख प्रजापति जुं आयुर्वेद चिकित्सा पद्धति लिच्छवी पिनि पालय् निसं न्ह्याडः वयो च्वंगु नेपः दे या थःगु हे पहः या चिकित्सा पद्धति खः धायो दिसे खप नगरपालिकां वडा स्तरीय नागरिक आरोग्य केन्द्र चाय्कः नागरिकपिन्ता सितिं आयुर्वेदिक वासत इडः ब्यू ब्यू वयो च्वंगु खाँ काडः दिल ।

आयुर्वेदिक स्वास्थ्यता सरकारं हदाय तयो ज्या मसांगु खायँ कुं खिड दिसे वयकलं राज्यपाखं सिंह दरबारया वैद्याखानात ल्यंकः म्वाकः तयो त्वाल्य् त्वाल्य् आयुर्वेद केन्द्र त चाय्केमःगु खायँ बः बियो दिल ।

रामदेव भारतया तः हाम्हा ब्यापारी खः धायो दिसे नगर प्रमुख प्रजापति जुं नेपः या जडिबुटिखय् विदेशीया लाहा तय्केता अजपुं मनूत छुवयो अनेक प्याखं क्यडः च्वनिगु खाँ थुइकय् मः धायो दिसे वयकलं

देशभक्त व सचेत नागरिकपिसं देया अस्तित्व व सार्वभौमिकता नपां स्वापु दःगु एमसीसी सम्भौताया खाँ काडः दिसे अजगु देशघाटी सम्भौताया विरोधय थःथःगु थासं थःमनं फयाथें विरोध याडः च्वनय् मः धायो दिल ।

खप नगरपालिका पाखं न्ह्याक च्वंगु खप अस्पतालया डा. रत्न सुन्दर लासिवा जुं आयुर्वेद स्वास्थ्य उपचारया खाँ समुदाय लय् द्रहँ वाडः जनताता ग्वाकय् मःगु खाँ ब्याकसे स्वास्थ्य स्वयमसेविकापिसं थमनं बांलाकः थुकिया खाँ थुइक जनताता ग्वाकः कानय्मः धायोदिल ।

ज्या इवःसं जिल्ला आयुर्वेद स्वास्थ्य केन्द्र खपया कार्यालय् प्रमुख नरेन्द्र प्रसाद गिरी जुं सरकारं आयुर्वेदिक चिकित्सा पद्धतिता वैकल्पिक उपचार विधि काथं हछ्याय् मःगु खाँ ब्याकसे खप नगरपालिकां मौलिक आयुर्वेदिक चिकित्साता हदाय तयो आरोग्य केन्द्र चाय्क गुलि थःगु मन च्व जःगु खाँ काड दिल ।

जिल्ला आयुर्वेदिक स्वास्थ्य केन्द्रया खपया ब्यवस्थापन समितिया नायो राजु प्रसाद अधिकारीं ज्या इवः या मू खाँ काड ज्या इवः न्ह्याकय् मःगु खाँ प्रष्ट याड दिसे नेपः या मौलिक स्वास्थ्य विधिता च्वछाय् मःगु खाँ काडः दिल ।



विदेशी ग्वाहाली नपां वड्गु स्वार्थ देशया सार्वभौमिकताया निंतिं घातक

पुस १५

खपनगरपालिका पाखं न्ह्याक तःगु खप इञ्जिनियरिड कलेज व खप कलेज अफ इञ्जिनियरिडया प्राध्यापक व कर्मचारीया भेला सं कलेज सञ्चालक समितिया नायो नपां खप नगरपालिकाया



प्रमुख सुनिल प्रजापति जुं एमसीसी सम्भौताया ग्वाहालीं नेपः देता हिन्द प्रशान्त रणनीति अन्तर्गतया अमेरिकी सैन्य गठबन्धने लुयो यंकिगु खाँ काडः दिल । वयकलं अमेरिकाया ५५ अर्ब अमेरिकाया धेबां ग्वाहाली याय् वं हे देश विकास जुइ धाय्गु थः ता विश्वास मरुगु खाँ ब्याकसे विदेशी अनुदान व ग्वाहाली नपां वैगु स्वार्थ देया

सार्वभौमिकता तस्कं घः लाकिगु खाँ ब्याक दिल ।

एमसीसी सम्भौता संसदं अनुमोदन याकय्ता हे देउवाता प्रधानमन्त्री यागु खः धाय्गु खाँ भन-भन पुष्टि जुयो वगु खाँ काडः दिसे प्रमुख प्रजापतिजुं एमसीसी सम्भौता नेपः या कानुन स्वयो च्वय ला धाय्गु खाँ वय बय जुइगुलिं थ्व सम्भौता देशघाती खः धायो दिल ।

नेमकिपां देशघाती एमसीसी सम्भौताया विरोधय् ३३ जिल्लाय् व ८५ थाय् स्वयो अपः थासय् एमसीसीया विरोध व प्रदर्शनयाय् धुंगु खाँ ब्याकसे वयकलं शासक दल याय्पुं एमसीसी सम्भौता पारित याय्ता हथाय् चायो च्वंगुलि देशभक्त जनतां सय्कः थुइक छप्पा छधि जुयो हज्याय्मः धायोदिल ।

ज्या इवःसं खप इञ्जिनियरिड कलेजया प्राचार्य सुजन माकं एमसीसी सम्भौता नेपः या असंलग्न परराष्ट्र नीतिया अखः जूगु खाँ ब्याकसे एमसीसी पारित जूसा भारतीय व अमेरिकी सेना नेपालय् द्रुहँ वड्गु खतरा दः धायो दिल ।

ज्या इवःसं खप कलेज अफ इञ्जिनियरिडया प्राचार्य सुनिल दुवालं नेपःया निंतिं एमसीसी सम्भौता छाय् घातक धाय्गु प्रस्तुतिकरण क्यडःद्यूगु खः ।

वर्तमान सहकारी अभियान विषयया मुंज्या

पुस १५

खप नगरपालिकाया प्रमुख सुनिल प्रजापतिया मु पाहाँलय भक्तपुर जिल्ला बचत व ऋण सहकारीया ग्वसालय जूगु वर्तमान सहकारी अभियान विषयया गोष्ठी जुल ।

ज्या इवःसं मू पाहाँ प्रजापति जुं खप नगरपालिकाया स्वीकृति मब्यूसँ चाय्कः तःगु प्रदेशस्तरीय बहुउद्देश्यीय सहकारी संस्थाया अनुगमनता बः बियो वगु खाँ काडः दिसे अनियमित ढंगं चाय्कः तःगु थजगु संस्थाता कानुनया धेरा दुनयँ ह्यगु खाँ काडः दिल । वयकलं खपय नमूना सहकारी न्ह्याकय्ता सहकारी कर्मिपिन्ता धवासा बियो दिल । खप नगरपालिकां समाज व जनताया सेवा जुइगु योजनात न्ह्याकय्गुलि बः बियो खप अस्पताल, चिस्यान केन्द्र, आदर निकेतन, कभर्डहल नपां निर्माणता ब्यापकता ब्यू ब्यू वःगु खाँ काडः दिसे सहकारी संस्थातय्सं नं लबः जक मस्वसँ दुजः पिनिगु आर्थिक व सांस्कृतिक विकासय् अपलं ध्यान तय्मः धायोदिल ।

सहकारी ऐन व कानुनत अपलं जनताता भिं याइगु काथं छय्लय् फःसा तस्कं बांलाइगु खाँ काडः दिसे प्रमुख प्जापति जुं सहकारीतय्सं दुजः पिन्ता लाहातय् ज्या दैगु सिर्जनाशीलताता

बिचः याडः तालिमत न्ह्याकः ज्या बिय फःसा बांलाइ धायो दिल ।

नगर प्रमुख प्रजापति जुं एमसीसी सम्भौताया नामयँ देया सार्वभौमिकता मिय मज्यूगु खाँ काडः दिसे सरकारं प्रतिपक्षपुं नपां मिलय् जुयो एमसीसी संसदं पारित याइगु खतरा दःगुलिं देशभक्त जनतात एमसीसी विरुद्ध छप्पा छधि जुयो हज्याय्मः धायो दिल ।

ज्या इवःसं संघया नायो कृष्ण गोविन्द लाखाजुं सुशासन ज्वडः हज्याडः च्वंगु सहकारी तरलताया समस्या म्हवँ जुइगु खाँ ब्याकसे गैर कानुनी ढंगं चाय्क च्वंगु बहुउद्देश्यीय सहकारीया हित विपरित खः धायो दिल ।

संघया न्वकु हरि बल्ल जुं गोष्ठी याय् मःगु खाँ ब्याक दिसे खपया सहकारी संस्थाया तरलता ब्यवस्थापने फुक्क छपा जुयमःगु व सहकारी अभियानं देशय् विकास याय्ता ग्वाहाली जूगु खाँ काडः दिल । ज्या इवःसं संघया नायो कृष्ण गोविन्द लाखाजु व ब्यवस्थापक बालकृष्ण धर्वेजु संघया ज्याइवः व तरलता ब्यवस्थापनया प्रस्तुतीकरण क्यडः दिल ।

फल्चां जःगु ख्वप देः

ख्वप नगरपालिकाया प्रमुख सुनिल प्रजापति जुं ख्वप नगरपालिका वडा नं. ९ या उपभोक्ता समिति पाखं दांगु उगु फल्चा २०७२ सालया तः भ्वखाचां थुडः ब्यूगु त्वचा फल्चा, त्वचाया लाँ व गरुड कुण्डया फः व पःख याय् नं छकलं उलेज्या याड दिल । उगु ज्या इवःसं वयकलं ख्वप नगर दुनयया सरकारी व



पतिं जग्गा ल्यंकः म्वाकः तयगुलि जिम्मा स्थानीय सरकारया जिम्माम् लागुलिं ख्वप नगरपालिकां सल्लाघारी च्वंगु १०८ पि जग्गा संरक्षण याय्गु नपां ख्वपया रानीपुखुता हकनं म्वाकः हय्गु ज्या यागु खाँ काडः दिल ।

ख्वपया पुलांगु लागाय् थःगु हे शैली (पहः) या छँ दानिपुं नगरबासीपिन्ता नगरपालिकां ग्वाकः ध्वासा काथं, प्रोत्साहन काथं आर्थिक अनुदानया योजना हछ्याडागु खाँ काडः दिसे प्रमुख प्रजापति जुं २०७२ सालया तः भ्वखाचां थुडः ब्यूगु व ता ई निसें दुडः, स्यडः च्वंगु फल्चात ल्हवनय्गु ज्याख्य् हज्याडः साडः च्वंगु खाँ काडः दिल ।

वयकलं ख्वप नगरपालिकापाखं चाय्क तःगु कलेजं याडः ख्वप दे शैक्षिक रुपं देशय् मध्ये हः नय् लाडः च्वंगु खाँ ब्याकसे वहे कलेजं तस्कं बांलापुं नपां च्वजःपुं (उत्कृष्ट) ब्वनामिपुं ब्वलांकः समाजता बुद्धिजीवीकरण याय्गु ज्या याता ग्वाहाली याडः च्वंगु खाँ काडः दिल ।

सरकारं विकास निर्माणया ज्या ठेक्कापट्टा वियगुलि बः ब्यू ब्यू ठेकेदार पिनिगु प्वा थाकय्गु ज्या याडः वयो च्वंगुलि ख्वप नगरपालिकां थानाया जनताता दुथ्याकः उपभोक्ता समिति पाखं तः लाक बांलाकः, भिंकः निर्माणया ज्या साडः वयो च्वंगु खाँ नं वयकलं ब्याक दिल ।



ज्या इवःसं ख्वप नगरपालिका वडा नं. ९ या वडाध्यक्ष रविन्द्र ज्याख्व जुं वडापाखं न्ह्याकगु थी थी ज्या इवः त काड दिसे वडाबासीपिसं ब्यूगु अपलं ग्वाहाली ज्या सानय् अःपुगु खाँ ब्याकसे फल्चा ल्हवनय्गुलि स्थानीय जनतां ब्यूगु आर्थिक व भौतिक ग्वाहाली थः पिन्ता तः हा.गु हौसला जूगु नपां वडाय् उथियंक विकासया ज्या न्ह्याकः मदय्क मगागु ज्या न्हपालाकः याडः वयो च्वडागु खाँ नं काडः दिल ।

ज्या इवःसं समाजसेवी ज्ञानसागर प्रजापति जुं ठेक्का व उपभोक्ता समितिपाखं याइगु ज्या गुलि पाः धाय्गु खाँ ब्वयो दिसे ठेकेदारया मिखा लबः ख्य् जक ध्यान तइगु खःसा उपभोक्ता समितिया ज्या जनसहभागिता याडः थःगु भः पिइकः भिंकः दानय्गु खः धायो दिल ।

नेमकिपा वडा नं. ९ या पार्टी इन्चार्ज दिलभक्त कोजुं नेमकिपाया घोषणा पत्र काथं ख्वप नगरपालिकां ज्या इवः न्ह्याक वयो च्वंगु खाँ ब्याकसे ख्वप नगरपालिकां ख्वप विश्व विद्यालय चाय्केता मः काथं कुतः याडः च्वंगु दः धायो दिल ।

वहे इवल्य् त्वचा फल्चा उपभोक्ता समितिया नायो बाबुकाजी प्रजापति जुं फल्चा दाडा बलय् या आय ब्यय पिब्वयो दिसे उगु फल्चाय् मुक्कं १४ लाख ५० हजार ७५७ तका दां जूगु ल्या पिब्वयो दिल । अथेहे गरुड कुण्डया पःख व फः दानय्गु मुक्कं ४ लाख १५ हजार ९ सय २३ तका दां खर्च जूगु व त्वचा लाँ सियगु उपभोक्ता समितिया नायो जीतबहादुर खय्रगोली जुं लाँ सियता डागू लाख १५ हजार ९२३ तका दां खर्च जूगु ल्या पिब्वयो दिल ।

ज्या इवःसं ख्वप नगरपालिका सम्पदा शाखाया प्रमुख राम गोविन्द श्रेष्ठजुं स्थानीय तुल्लिराम प्रजापति व दिपेन्द्र प्रजापतिं नं न्वचु तयो द्यूगु खः ।

खप साकोसया साधारण सभा

पुस १७

खप नगरपालिकाया प्रमुख सुनिल प्रजापतिया मू पाहाँलय् खप नगरपालिका वडा नं २ ब्यासी च्वंगु खप बचत व ऋण सहकारी संस्थाया १४ कगू साधारण सभा उलेज्या याडः दिसे सहकारी संस्थां राष्ट्रिय व अन्तर्राष्ट्रिय घटनाया खाँत काडः संस्थाया



दुजः पित्ता ग्वाक्य मःगु खाँ ब्याकसे खप देता सहकारीया माध्यमं म्हासिक्य वियता नमूनाया ज्या इवः त न्ह्याक्यमः धायोदिल ।

सरकारं देशय् माथांकः विकास याय् मफूगुलिं दे फुक्क लागाय् कतया तुतिख्य चुयो म्वाय् मःगु खाँ ब्याकसे बयकलं खप नगरपालिकां चाय्कः तःगु कलेजं देशां देछिया ब्वनामि मध्ये बांलापुं नपां च्वः जः पुं (उत्कृष्ट) ब्वनामि ब्वलांक्य फःगु नपां छ्वा छँ छम्हा स्नातकया अभियान तः लागु खाँ नं काडः दिल ।

न्हयलुवात बांलागु संस्थाया पला धिसिलाडः ज्या इवःतः लाड हज्याडः वाड च्वंगु खाँ ब्याकसे प्रमुख प्रजापति जुं खप नगरपालिका देया नमूना नगरपालिका काथं हज्याय फःगुया हुनि

जनप्रतिनिधिपुं, कर्मचारी व स्थानीय जनताया ग्वाहालीया भावना खं खः धायो दिल । वयकलं सामाजिक भावना ब्वलांक्यता व समाजता मः काथंया नीति व योजनात सहकारीं ब्यू ब्यू द्यक्ः यंकैमः धायोदिल ।

ज्या इवःसं खप नगरपालिका वडा नं. २ या वडाध्यक्ष हरि प्रसाद बासुकलां खप नगरपालिकां सहकारी अनुगमनया इवल्य ल्हवनय्, भिंक्य मः गु विषयसं सहकारी संस्थातय्ता ध्यानाकर्षण याकः वयो च्वडागु नपां सहकारी संस्थां समाजयाता विचः याडः ज्या इवः न्ह्याक्य मः धायो दिल ।

खप साकोसया नायो राजकुमार लघु १६५० म्हा स्वयो अपः शेर सदस्य दःगु खप साकोस समूदाय व दुजः पिनिगु आर्थिक, सामाजिक, सांस्कृतिक व शैक्षिक स्तर च्वन्ह्याक्यगुलि निस्वासां निसें संस्थां पला छिडः वयो च्वंगु खाँ ब्याक दिल ।

संस्थाया न्वकु राजेश ब्याञ्जु, भक्तपुर जिल्ला बचतया प्रतिनिधि चण्डिका छुकां, संस्थाया सल्लाहकार बाल मुकुन्द बासुकला संस्थापक नायो कुमार लघु, सल्लाहकार कृष्ण भक्त लघु, खप नपा २ वडाया इन्चार्ज गणेश प्रसाद सुवाल व लेखा समितिया दुजः कृष्णाराम सुलुं नं भिन्तुना देछायो द्यगु खः ।

साधारण सभाया उलेज्या सत्र सं संघया छ्याञ्जे लक्ष्मी नारायण सुवाल आ.व. २०७७/७८ या वार्षिक प्रतिवेदन व आ.व. ७८/७९ या प्रस्तावित ज्या इवः लेखा सुपरिवेक्षण समितिया कजि लक्ष्मी दास बासुकलां लेखा सुपरिवेक्षण समितिया प्रतिवेदन, संस्थाया दां भारी अमर बासुकलां आ.व. २०७७/७८ या ल्या चा व २०७८/७९ या अनुमानित बजेट पिब्वयो द्यगु खः ।

चन्द्रागिरी नगरपालिकाया प्रतिनिधि खपय्

पुस १९

खप नगरपालिकाया प्रमुख सुनिल प्रजापति जु नपां चन्द्रागिरी नगरपालिका वडा नं. १४ या वडाध्यक्ष रामहरि बस्नेतया न्हयलुवाय् चन्द्रागिरी नगरपालिका विधान समितिया पुचलं नपालाडः दिल ।

खप नगरपालिका विधान समितिं याडः च्वंगु खाँ ज्यात अध्ययन अनुसन्धान याय्गु मतिं भःगु उगु पुचः याता खप नगरपालिकाया वडाध्यक्ष जूपुं रविन्द्र ज्याख्व (९) व हरिप्रसाद बासुकला (२) पाखं खादा, तक्वा तपुली व पुतु म्हिचा बियो लसकुस याडः द्यगु खः ।

उगु इवल्य प्रमुख प्रजापति जुं स्थानीय तह निर्वाचन २०७४ लिपा खप नगरपालिकां हिगू नगरसभा याय धुंक ४६ गू ऐन

कानुन नियमावली व कार्यविधि, हिगू नगरसभा याय धुंक ४६ गू ऐन कानुन नियमावली व कार्यविधि द्यक्ः ज्या खय् छ्यलागु खाँ ब्याक दिल ।

सांस्कृतिक नगर काथं नां जःगु खप नगरपालिकां थानाया कला-सांस्कृतिक ल्यंकः म्वाक तय्ता बः याड वयो च्वंगु नपां पुलांगु सम्पदा लागाय् मौलिक शैलीं छँ दानिपित्ता मोहदाय् अपां सिं व प्वल्लँ अपाय् तुगु खर्चया ३५ प्रतिशत अनुदान बियो वयो च्वडागु खाँ नं काडः दिल ।

खप नगरपालिकां २०७२ सालया तः भ्वखाचां थुडः ब्यगु ११८ गू स्वयो अपः सम्पदात जनताया आर्थिक ग्वाहाली, जनश्रमदानं ल्हवनय् कानय् दानय्गु ज्या क्वचाय्के धुंगु, अजगु ज्या कतया भरय्



मच्चवंसें उपभोक्ता समिति पाखं स्थानीय सीप व ज्ञान छ्यल-वयो च्वंगु खाँ नं काडः दिल ।

कोभिडया इलय् ख्वप नगरपालिकां निःस्वांगु आइसोलेसन केन्द्र पाखं ४५५ म्हा कोभिडया विरामीपिन्ता सितिकं उपचार यागु खाँ कुल दिसे वयकलं समाजवादी देश पाखं सिद्धकः ख्वप नगरपालिकां शिक्षा व स्वास्थ्यता हदाय् तयो जनताकेन्द्रीत ज्या इवः हछ्याडः

न्हूंगु कोभिडता बुकय्ता सचेत जुयमः

पुस २२

ख्वपया 'स्थानीय पथ प्रदर्शक परिचालन समिति' या गवसालय् थौं कन्हें हलिमय डाडः पुडः वयो च्वंगु कोभिड-१९ या न्हूंगु प्रजाति ओमिक्रोनया जोखिम व थुकिं मपुकः मडांकः तय्ता ख्वपया स्थानीय लॉजुवपिनिगु छगू प्रवचन ज्या इवः जुल ।

ज्या इवः या मू पाहाँ ख्वप नगरपालिकाया उप-प्रमुख रजनी जोशीजुं ख्वप नगरपालिकाय् स्थानीय निर्वाचनया इलय् नेपाल मजदुर किसान पार्टी पाखं पिबवगु घोषणापत्र काथं छतिं हे मपाकः मद्रक ज्या सानयगुलि जनप्रतिनिधिपुं हज्याडः च्वंगु खाँ ब्याकसे समाजवादी सिद्धान्त काथं जनताया स्वास्थ्य शिक्षाया लागाय् जनमुखी ज्या सां सां जनताया सेवा याय्गु इवल्य् ख्वप मोडेल काथं हज्याडः च्वडागु खाँ ब्याकदिल । गुकी थुगुसी ख्वपया नेगु कलेजं ब्वनामिपिसं त्रि.वि.या परीक्षाख्य् दकलय् तः लापुं (नेपाल प्रथम) जुयो स्वर्ण पदक त्याक्य् फःगु खः धायोदिल ।

जनताया स्वास्थ्य सेवाया लागिं ख्वप अस्पताल चाय्कः, कोभिड-१९ या भवत्वचं थ्यूपिन्ता धेबा म्वाय्क कोभिड यूनिते तयो वास यागु, अः लिपा भेन्टिलेटर नपांया आई.सी.यू दःगु अस्पताल न्ह्याकय्ता कुतः याडः च्वंगु दः धायोदिसे कोभिडया माहामारीया इलय् जनतां अक्सिजन प्लान्ट निः स्वानय्ता यागु ग्वाहालीया नितिं अपलं सुभाय देछायो दिसे नगरया सम्पदा ल्यंकः म्वाक तय्गुलि बः बियो हदाय तयो ज्या सां सां थजगु ज्या न्हूंगु

न्हयःन्हयगुगु स्वप पौ, बःछि पौ(पाक्षिक)

साडः वयो च्वंगु खाँ नं ब्याक दिल ।

ख्वप नगरपालिकाया उप-प्रमुख रजनी जोशी जुं ख्वप नगरपालिकां नकतिनि जक हे ख्वप लायकुया ऐतिहासिक नृत्य वत्सला देगः उपभोक्ता समिति पाखं दानय् धुंकगु खाँ ब्याकसे उपभोक्ता समिति ख्वपया विशेषता खः धायो दिल ।

नपालाय्गु इवल्य् चन्द्रागिरी नगरपालिका वडा नं. १४ या वडाध्यक्ष रामहरि बस्नेत जुं ख्वपया सम्पदा लागाय् खाँ थुइकेगु मतिं ख्वपय् वयागु खाँ ब्याकसे विधायन समिति पाखं सम्पादनयागु ज्या थमनं नं सय्केगु इच्छा दःगु खाँ ब्याक दिल ।

२०७२ सालया तः भवखाचां स्यंकः थुडः ब्यगु सम्पदात ल्हवनय् कानय् व दानयगु ज्याख्य् ख्वप नगरपालिका दकलय् हःनय् लागु खाँ न्हिं थासे भ्रमणया इवल्य् ख्वपया पुलांगु शैलीया छैत, सम्पदा लागु व पुलांगु नगरे नं चाहिल स्वयगु योजना दःगु खाँ काडः दिल ।

भ्रमण पुचलय् चन्द्रागिरी नगरपालिकाया वडाध्यक्ष नपां, नगरसभाया दुजः, न्यायिक समितिया कजि व दुजः, कर्मचारी, कान्ती सल्लाहकार इञ्जिनियर व न्यायिक सहजकर्ता नपां भःगु खः ।



पुस्ताता लः ल्हा ल्हां यंक्यगु खाँ नं ब्याक दिल । अजगु ल्हवनय् कानय् व दानयगु ज्या स्थानीय जनतापाखं उपभोक्ता समिति दय्क ज्या सानिबलय् थःगु भः पियो ज्या साडः म्हवचा धेबां बल्लाक भिंकः ज्या जूगु खाँ नं काडः दिल ।

नगरया पूर्वाधार विकास नपां फोहरत थासय् मुनयगुलि नं बः बियो साडः वयो च्वंगु खाँ काडः दिसे वयकलं स्थानीय लॉजुवतय्सं विदेशी पिन्ता थानाया इतिहासया ब्याक्क खाँ कानय्मः धायो दिल । वयकलं लॉजुवपुं समसामयिक राजनीतिक रुपं सचेत



न्हयःन्हयगूगु खप पौ, बःछि पौ(पाक्षिक)

जुयमः धायो दिसे साम्राज्यवादी देश तयसं भीगु देशय् ग्वाहालीया नामय् एमसीसीया नामय् उपनिवेश यायगु व दक्षिण एशियाय् अशान्ति याडः ल्वाकयगु स्वयो च्वंगुलिं भी फुक्क सचेत जुयमः धायो दिल ।

खपया स्थानीय पथप्रदर्शक परिचालन समितिया कजि गौतम प्रसाद लासिवा जुया सभानायोलय् जूगु उगु ज्या इवः सं वयकलं नेपालय् न्हँगु कोभिड १९ या प्रजापति ओमिक्रोनया स्थितिया खाँ काडः दिल । वयकलं लॉजुवपुं विदेशीतनपां बांलाक स्वापु दैपुं जूगुलिं थुकिया जोखिमं मथिइक च्वनय्ःमगु आत्मबल बल्लाक च्वनय् मःगु व फुक्क सिता थुगु महामारीं मथिइकः म्वाक तय्ता थःथःगु थासं ग्वाहाली याय्मः धायोदिल ।

ज्या इवःसं खप नगरपालिका प्रशासन प्रमुख दामोदर

सुवाजुं लॉ जुव पुं थः नं सुरक्षित जुयो मर्यादित व अनुशासित जुयमः धायो दिसे आचार संहिता पालना याडः पर्यटकपिन्ता खःखः गु सूचं ब्रियमःगु पर्यटकपिन्ता बांलाक ब्यवहार याःसा खपया इज्जत बांलाइगुलि अथे याय्मःगु जिम्मेवारी काडः दिल ।

अथेहे खप अस्पतालया डा. अमर प्रजापति जुं लॉ जुवः पिन्ता कोभिड १९ या न्हँगु भेरियन्त ओमिक्रोन संक्रमणया जोखिम व थुकिं मथियकः मपुंकः जुयगु उपायत काडः दिल ।

ज्या इवःसं भक्तपुर पर्यटन विकास समितिया नायो राम सुन्दर भेलेजुं स्थानीय लॉजुवपिन्ता ज्याइवः तय्मःगु या खाँ ब्याकलसा भक्तपुर स्थानीय पथ प्रदर्शक परिचालन समितिया दुजः नपां भक्तपुर पर्यटन विकास समितिया महासचिव दिपेश राज शर्मा नं न्वचु तयो द्यगु खः ।

रौतहटे कार्यकर्ता मुंज्या

पुस २१

नेपाल मजदुर किसान पार्टीया केन्द्रीय दुजः नपां खप नगरपालिकाया मू पाहाँलय् समसामयिक विषयया खाँ कानय्ता कार्यकर्ता मुंज्या जुल ।

उगु कार्यकर्ता मुंज्यासं न्वचु तयो दिसे नेता सुनिल प्रजापति जुं देशघाती एमसीसीया पालिड जुइपुं राष्ट्रघातीत खः धायोदिसे एमसीसी थाना पास यात धःसा उकीं भीगु नेपः दे मेगु अफगानिस्तान थें जुइगु खतरा काडः दिल ।

शासक दलं नेपः देता छपला-छपला यायां फुक्क लागाय् कतया भरे म्वाय माय्क ब्यू ब्यू वयो च्वंगु खाँ कुल दिसे फुक्क लागाय् भारतया भरे च्वनय् मः सा भीगु दे स्वतन्त्र व सार्वभौम सत्ता सम्पन्न दे जुयफै मखु धायो दिसे वयकलं एमसीसी सम्भौता पास याड भीगु दे याता भारतया छगू प्रान्तथें याय्गु मति तःगु खाँ ब्याकसे किसान आन्दोलन मयाकः किसान तयसं थःगु हक काय मफैगु खाँ नं ब्याक दिल ।

खप नगरपालिकां घोषणा पत्रता गथे खः अथेहे पालना याड विकास निर्माणया ज्यात जनताया ग्वाहालीखय् तः लाकः याडः वयो च्वंगु खाँ ब्याकसे प्रमुख प्रजापति जुं कतया भरे नेपः या विकास व समृद्धि जुय फै मखु धायो दिल ।

ज्या इवःसं ने.क्रा.कि. संघ रौतहतया नायो भाजु अमीरले हक जुं सरकारे वांगु पार्टीं तयसं भागवण्डा व पदया लागिं जक ल्वाडः च्वंगु खाँया कुंखिडः दिसे नेमकिपां न्ह्याब्लें किसान आन्दोलनया लागिं ग्वाहाली याडः च्वंगु व ज्यासाडः नैपुं



ज्यापुज्यामिया हक हीतया लागिं स्थल्लाकः ज्या साडः वयो च्वंगु खाँ ब्याक दिल ।

नेमकिपा रौतहतया जिल्लाया नायो भाजु दिनेश प्रसाद साहजुं क्वत्यय्क च्वंगुं शोषितपिडित जनताता याइगु अन्यायया विरुद्ध किसानत छप्पा छधि जुयमः गु खाँ ब्याकसे नेमकिपां निः स्वांसांनिसें मोहियानी हकया बारे सः थवय्क वयो च्वंगु खाँ नं ब्याक दिल ।

खप नगरपालिका वडा नं. ३ या वडाध्यक्ष राजकृष्ण गोरा जुं नेमकिपां क्वत्यय्कः च्वंगुं ज्यापु -ज्यामिपिन्ता थाकाय्गु काथं ज्या साडः वयो च्वंगु खाँ ब्याकसे शोषित पीडित जनतात छप्पा छधि जुयो ल्वाय् मफूतलय् शोषक तयसं शोषणयाय्गु त्वः ति मखु धायोदिसे छप्पा छधि जुयता आह्वान याड दिल ।

उगु मुज्यां सं लालबाबु चौधरीं नं न्वचु तयो द्यगु खः ।

बाराय् कार्यकर्ता मुंज्या

नेपाल मजदुर किसान पार्टीया केन्द्रीय दुजः नपां ख्वप नगरपालिकाया प्रमुख सुनिल प्रजापतिया मू पाहाँल्य बाराय् नं कार्यकर्ता मुंज्या जुल ।



नेमकिपा बाराया ग्वसाल्य जूगु उगु ज्या इवःसं केन्द्रीय दुजः सुनिल प्रजापति जुं एमसीसी सम्भौता दे याता भिं मयाइगुलि सचेत जनता विरोध याडः संसदं पारित याक्य् मबिय माल धायो दिल । नेमकिपां भीगु देश उपनिवेश थमजु धायो मदिक्वक एमसीसीया विरोध याडः वयो च्वंगु खॉ ब्याकसे वयकलं अमेरिकी साम्राज्यवाद व भारतीय विस्तारवादया विरोध याय् मःगु खॉ काडः दिसे सरकारे वांगु पार्टीत सचेत मजगुलिं सचेत जनतात छप्पा छधि जुयमः धायोदिल ।

भी जलाखाला दे व मित्र देशं द्यक ब्यूगु सार्वजनिक

कल-कारखानात व उद्योग धन्दात ख्वखचा मूलं निजीकरण याकगू तस्कं दूर्भाग्यया खॉ खः धायोदिसे वयकलं उत्पादनया मुख्य मुख्य साधन स्रोत व सेवा सार्वजनिक जुयमः धायोदिल ।

नेमकिपा समाजवादी ब्यवस्था निः स्वानय्ता अः तक ल्वाडः हाल वयो च्वंगु खॉ ब्याकसे वयकलं समाजवादी ब्यवस्थाय् शिक्षा, स्वास्थ्य धेबा पुल्य् स्वाय्क याई । उत्पादनया मुख्य मुख्य साधन व सेवा सामाजिकीकरण जुई । योग्यता काथंया ज्या व ज्या स्वयो ज्यालाया बन्दोबस्त याई । वैदिक व शारीरिक श्रम दकः पाकिमखु । शोषण विरुद्धया हक दै ।

ख्वप नगरपालिकां बियो वयो च्वंगु सेवाया खॉत छसिकाथं काडः दिसे नगर प्रमुख प्रजापति जुं म्हवचा धेबां बांलागु भिंगु शिक्षा बियो वयो च्वंगु, न्हयगु शैक्षिक ब्वनय्कुथित चाय्कः तःगु, ख्वप अस्पतालं न्हिं ६००-७०० विरामीपिनिगु सेवा याडः वयो च्वंगु ख्वप नगरपालिकां समाजवाद उन्मुख ज्या याडः वयो च्वंगु खॉ नं ब्याक दिल नपां ख्वप नगरपालिकां दांकः भिंक बल्लाक म्हवचा धेबां उपभोक्ता समिति पाखं ज्या साडः वयो च्वंगु खॉ काडः दिल ।

ख्वप नगरपालिका वडा नं. ३ या वडाध्यक्ष राजकृष्ण गोरालं नेमकिपां ज्या साडः नैपुं अपलं ज्यापु-ज्यामिया भिं जुइगु ज्या याडः जनताता राजनीतिक रुपं सचेत व सड्गठित याय्गु ज्या साडः वयो च्वंगु दः धायो दिल ।

ज्या इवःसं नेमकिपा बाराया नायो मुक्ति यादव व रेञ्जुदेवी साहं न्वचु तयो द्यूगु खः ।

थौं निसैं मोडर्ना खोप

ख्वप नगरपालिकाय् थौं पौष २७ गते निसैं ख्वपया ब्वनामि मस्तय्ता ब्वनय् कुथि खोप केन्द्र चाय्कः अमेरिकन कम्पनी 'मोडर्ना' खोप बियो च्वंगु दः । ख्वप नगरपालिकां न्हापांगु चरणं ख्वप नगरपालिका दुनयया हिं न्यदा निसैं हिंन्हयदा दःपुं मस्तय्ता ख्वपया थी थी ब्वनय् कुथि केन्द्र तयो सुथाय् ९:०० ताइलय् निसैं ३:०० ता इलय् तक ब्वनामिपिनिगु म्हासिइका पौ (जन्म दर्ता) ज्वडः मवसैं मगा धायो सूचं बियो खोप न्ह्याकगु खः ।



ल्य ज्यामि व गुरुपिन्ता हना ज्या

पुस २४

खप नगरपालिकाया ग्वसालय् जूगु विद्यालय स्तरीय धिं धिं बल्ला कासा पाख्य् जूगु किक बक्सिड व करँते धिं धिं बल्लाया ल्य ज्यामि (निर्णायक) व गुरुपुं (प्रशिक्षक) पिन्ता खप नगरपालिका वडा नं. ६ पाखं हानेज्या यासे हनापौ लः ल्हाडः दिल । खप नगरपालिकाया प्रमुख सुनिल प्रजापतिया मू पाहाँलय् जूगु उगु ज्या इवः सं धिं धिं बल्लाख्य् ल्यः ज्या याडः द्यूपुं व स्यडद्यूपुं गुरुपिन्ता वयकलं नगद पुरस्कार नपां हना पौ नं लः ल्हाड द्यूगु खः ।

ज्या इवःसं प्रमुख प्रजापति जुं कासामिपिसं कासा खः ला खः जक याडः म्हेतिगु मखु धायोदिसे मित्रता व अनुशासनया नितिं म्हितय् मः धायोदिल शिक्षा व कासाता नपां-नपां यंक्य् फःसा तस्कं बांलाइगु खाँ ब्याक दिल । ई म्हासिडकः ईयाता बांलाक न्ह्याक छ्यलय् फःसा न्ह्यागुनं ज्या इलय् हे क्वचायके फःसा बांलाइगु धायोदिसे वयकलं कासा मनोरञ्जन व थःगु सौखया नितिं जक म्हेतय्गु स्वयो नं देया सार्वभौमिकता नपां स्वापु तयो म्हितय् मः धायो दिल ।

खप नगरपालिका कार्यपालिकाया दुजः रोशन मैयौं



सुवालं कासामिपुं देया राजनितिक व सामाजिक विषयनं थूपुं जुयमः धायोदिसे थः क्य् दःगु सीप न्हूंगु पुस्ताता लः ल्हाल्लां यंक्य् म धायोदिल । एमसीसी सम्भौतां देयाता भिं मयाइगुलिं थुकिया बारे फुक्कसिता थुइक्य् बियमः धायोदिल ।

ज्या इवःसं वडाया दुजपुं सिद्धिराम सुवाल व गोविन्द दुवाल, गणेश मा.वि. या प्र.अ. गणेश राम थुसा, किक बक्सिड संघया नायो राजन चित्रकार, खप नगरपालिका वडा नं. ६ या खेलकुद समितिया नायो राजुसिं बजिक्वें नं न्वचु तयो द्यूगु खः ।

वागीश्वरी ब्वनय्कुथिया परिवारपुं नपालाय्गु ज्याइवः

पुस २४

खप नगरपालिकाया प्रमुख नपां वागीश्वरी कलेजया सञ्चालक समितिया नायो भाजु सुनिल प्रजापतिया मू पाहाँलय् खप नगरपालिका वडा नं. ९ च्याम्हासिगलय् च्वंगु वागीश्वरी मा.वि. व वागीश्वरी कलेज परिवारपुं नपां नपालाय्गु ज्या इवः



शनिबार जुल ।

ज्या इवःसं प्रमुख प्रजापति जुं नेपाल मजदुर किसान पार्टीया निर्देशन काथं खप नगरपालिकां शिक्षाया लागता ह्दाय् तयो न्ह्याक वयो च्वंगु खप सर्कलं देशया स्यल्लागु -बांलागु नमूना कलेज जूय फःगु नपां देशय् तः लापुं उत्कृष्ट ब्वनामिपुं ब्वलांक्य् फःगु खाँ ब्याकसे खपया जनप्रतिनिधिपुं व जनताया क्वात्तुगु स्वापु नपां नेमकिपाया सिद्धान्त व व्यवहारे उथिंयंगुलिं हे खप देश शैक्षिक विकासे तः लाक हज्याय् फःगु नपां नेपः याय् हे तस्कं च्वःजःगु उत्कृष्ट सामुदायिक विद्यालयं कःगु सफलता च्छाय बहजु धायो दिल ।

वागीश्वरी प्रगति व उन्नति न्हूंगु पुस्ता व सिंगो समाजं फाइदा इडः कायो वयो च्वंगु खाँ ब्याकसे वयकलं योग्य सक्षम न्ह्यलुवा दःगुलिं थौं खप देता हे शैक्षिक केन्द्र काथं ह्छ्याय्ता ग्वाहाली याडः च्वंगु खाँ ब्याक दिल । नपां सामुदायिक संस्था बांलाकः भिंकः यंके फःसा जनताया काय् म्हाय्य् पिसं बांलागु शिक्षा काय् फेगु खाँ ब्याकसे वागीश्वरी मा.वि. व कलेज थौं



न्हयःन्हयगूगु स्वप पौ, बःखि पौ(पाक्षिक)

ब्याक्क समाजता ज्ञान वियगु थाय् काथं हज्याडः च्वंगु दः धायो दिल ।

थौ कन्हैया राजनीतिक घटनात न्हिं थासें प्रमुख प्रजापतिजुं देया राजनीति संकटे लाडः च्वंगु खाँ ब्याकसे शासक दलं अः तकनं भारतया तृतिपाली भवपुयगु ज्या साडः च्वंगुलिं दे सामाजिक, आर्थिक राजनीतिक रुपं लिनय् लाडः च्वंगु खाँ ब्याक दिल ।

ज्या इवः सं विशेष पाहाँ नेमकिपा वागमती प्रदेश सांसद सुरेन्द्र राज गोसाईं जुं थयं मथ्यं न्हयःदा हौं निसें मदिकक जनस्तरं ज्या साडः वयो च्वंगु वागीश्वरी कलेज नेपः या नमूना कलेज काथं हज्याडः च्वंगु देया लागिं गौरवया विषय खः धायो दिल ।

कलेजं याःगु प्रगति व उन्नति नपां मे-मेगु (चुनौती) पंगः त नं दाँ वइगु खाँ ब्याकसे सांसद गोसाईं जुं उन्नत समाज निःस्वानयता वागीश्वरी श्वनं लिपा नं जनताया मति काथं हज्याय् मः धायो दिल । नपां वयकलं वागमती प्रदेश अखेस्व-थखेस्व मरुगु खाँ उल दिसे मखुगु लुखातं चुनाव त्याकः वपुं जनप्रतिनिधिपिसं जनताया भिं याय्गु स्वयो पद व थःगु स्वार्थ हृदाय तयो ज्या सानिगु खाँ काडः दिल ।

ज्या इवःसं ख्वप नगरपालिकाया उप-प्रमुख रजनी जोशी जुं ख्वप नगरपालिका पाखं न्हयाक च्वंगु थी थी ज्या इवः या खाँ उल दिसे ख्वप देता शैक्षिक रुपं हज्याकयता वागीश्वरी बांलागु

ज्या याडः च्वंगुलि लसता प्वकः दिल । ख्वप विश्व विद्यालय निःस्वानयता थानाया शैक्षिक संस्थात भन बांलाक यंकय् मःगु खाँ काडः दिसे वयकलं ख्वपया 'ख्वप मोडेल' देशय् नां दाडः च्वंगु खाँ काडः दिल ।

ज्या इवःया सभानायो वागीश्वरी मा.वि. सञ्चालक समितिया नायो भाजु रविन्द्र ज्याख्व जुं वागीश्वरी कजेल् निःस्वासां निसें थानाया न्हयलुवा पिसं याडः दयूगु कुतः तस्कं च्वछाय् बहज् धायो दिसे थःगु धायूगु भावनां प्यागुलिं हे शैक्षिक विकासय् ग्वाहाली जूगु खः धायो दिल । नपां वागीश्वरी ब्वनामिपिन्ता शिक्षा नपा नपां समाजय् उत्तरदायी जुयो ज्या सानयगुलि नं ग्वाकः च्वंगु व ब्वनयगुलि नं धिं धिं बल्ला याडः ब्वनयगुलिध्वासा बियो वयो च्वंगु खाँ नं ब्याक दिल ।

वागीश्वरी मा.वि. या पूर्व प्र.अ. मोहन प्रसाद प्रजापतिजुं वागीश्वरी ब्वनामिपिंगु आवश्यकता व मागकाथं न्हँ न्हँ विषय तः तं हज्याय्मःगु खाँय् वः बियो दिसे कलेजं प्राविधिक शिक्षा न्हयाकयता मः काथं ग्वसः ग्वयो च्वंगु खाँ नं काडः दिल ।

वहे ज्याइवःसं वागीश्वरी मा.वि. व कलेजया कजि ज्ञानसागर प्रगापति, वागीश्वरी कलेजया प्राचार्य धन कुमार श्रेष्ठ, वागीश्वरी मा.वि. या प्र.अ. कृष्ण प्रसाद धन्छा, सहायक प्र.अ. कृष्ण प्रसाद कर्माचार्य जु पिसं नं कलेज निस्वांगुया उद्देश्य व थौं या अवस्था बारे थः थः गु धापु तयो द्यगु खः ।

ख्वप नगरपालिका स्थानीय स्काउटया दीक्षान्त समारोह

पुस २०

ख्वप नगरपालिका स्थानीय स्काउट दीक्षान्त समारोह यासे उगु समारोहसं नेपाल स्काउट भक्तपुर नगरपालिकाया स्थानीय संरक्षक नपां ख्वप नगरपालिकाया प्रमुख सुनिल प्रजापति, प्रमुख स्काउट ख्वप नगरपालिकाया उप-प्रमुख रजनी जोशी, सदस्य सचिव नगर शिक्षा शाखाया कृष्ण प्रसाद कर्माचार्यता नेपाल स्काउटया राष्ट्रिय कजि लोक बहादुर भण्डारी जुं दीक्षित याडः द्यगु खः ।

ज्या इवःसं न्वचु तयो दिसे प्रमुख प्रजापति जुं संकटया इलय् निस्वार्थी जुयो देश व जनताया सेवा याय्गु स्वयम सेवा खः धायोदिसे संकटया इलय् नेपाल स्काउटं अभ् अपः सेवा याइगु विश्वास प्वकः दिल ।

देया अस्तित्व व सार्वभौमिकता नपां स्वापु दःगु सन्धी सम्भौताया विषयलय् स्काउटर पुं सय्क थुइकः च्वनय् मःगु व देशघाती सम्भौताया विरुद्ध थः थः गु थासं विरोध याय्मः धायोदिसे वयकलं ख्वप नगरपालिकां स्थानीय स्काउट तदर्थ



समितिता फःक्व ग्वाहाली याय्गु बचं बियो दिल ।

दे या भविष्य न्हँगु पुस्ताया लाहातय् लाइगु खाँ ब्याकसे प्रमुख प्रजापति जुं संकटया इलय् नेपाल स्काउटं याडः वयो च्वंगु ज्या च्व जःगु खाँ ब्याकसे कोभिडया इलय् कोभिडं मपुकः पाडः तयता नेपाल स्काउट पाखं ख्वप नगरपालिकां ज्या कायो वगु नपां



न्हयःन्हयगूगु खप पौ, बःछि पौ(पाक्षिक)

बःछिया छक जुइगु सुचुकुचु ज्या इवः खयन् नेपाल स्काउट गवाहली यागु खाँ कुल दिल ।

ज्या इवःसं नेपाल स्काउटया राष्ट्रिय कजि लोक बहादुर भण्डारी जुं नेपाल स्काउट छगू स्वयमसेवी संस्था खः धायो दिसे नेपः या ७५३ गू स्थानीय तहलय् हे नेपाल स्काउट निःस्वानय् धुंगु खाँ ब्याकसे स्थानीय तहया मस्त संरक्षण याय्ता व स्काउटिङ्ग शिक्षा बियता तस्कं बांलाइगु नपां अजपुं मस्तय्ता समूदाय वड ज्या सानय्ता प्रेरित याय्गु खाँ काडः दिल ।

खप नगरपालिकाया उप-प्रमुख रजनी जोशी जुं अनुशासन व इमान्दारीता बांलागु ब्वनामिपिनिगु म्हासिइका खः धायो दिसे सभ्य समाज व इमान्दारी नागरिक ब्वलांकय्ता नेपाल

स्काउटया तः हांगु लाहा दः धायो दिल ।

खप नगरपालिकाया शिक्षा शाखा प्रमुख कृष्ण प्रसाद कर्माचार्य जुं नेपाल स्काउट पाखं दीक्षित जुय दः बलय् तस्कं लय्तायागु खाँ प्वकसे नेपाल स्काउट ब्वनामिपिन्ता मन-बचन व कर्म निस्वार्थी जुयो सेवा याय्गुलि उत्प्रेरित याडः च्वंगु खाँ काडः दिल ।

अथेहे नेपाल स्काउट भक्तपुर नगरपालिका स्थानीय कजि कृष्ण सुन्दर प्रजापति जुं नेपाल स्काउट शैक्षिक अभियान काथं थःगु ज्या इवः त न्ह्याकः ल्यासे ल्याम्हो पिन्ता कुलतय् मछ्वय्गु ज्या याडः च्वंगु दः धायोदिल ।

ज्या इवः सं स्काउट मास्टर मतिना त्वानावासुं न्वचु तयो द्यगु खः ।

पुस २० व २७ गते अनुगमन

खप नगरपालिका अनुगमन समितिया सदस्य सचिव दिलिप कुमार सुवालया न्हयलुवाय् (नसा) खाद्य पसः व स्वंगू मिनिमार्टय् अनुगमन यात । अनुगमनया इवलय् ब्रम्हायणी च्वंगु देगइना स्टोर नविकरण याय मःगु, म्याद फूगु, सामानत मिक्स अचार खुगू पाकेट जफत याडः तराजु नपां तौल विभागं नविकरण याय्ता निर्देश याड दिलसा नमस्ते किराना स्टोर च्याम्हासिंगया मिनिमार्ट अपग्रेड याड दर्ता नविकरण याय मःगु, म्याद फूगु सामानत फ्रुट केक-१, ड्राएमिट ३, १ गुडपाक छगः, बटर बुन बिस्कुट स्वथु, कोको क्रन्च स्वंगू पाकेट नपां थी थी विस्कुट त जफतयाड धूयाड बिल । अलय् लाहातं च्वयो लेबल तयो चिकं मिय मरुगु निर्देशन नं बिल । अथेहे नाइन स्टार शपिङ्ग सेन्टरे मिनिमार्टय् अपग्रेड याय् मःगु थी थी सामानत लेबल तयो मियमःगु नपां म्याद फूगु विस्कुट व भुजिया व मेगु सामानत धू याडः बिल ।

अनुगमन पुचः लय् वडा निरिक्षक रामकृष्ण प्रजापति, कर शाखाया मोहन देवी ब्याञ्जु, राष्ट्रिय उपभोक्ता मञ्चया



मनोज थापा, उद्योग वाणिज्य संघ खपया विश्वराम दुवाल, जि.प्र.का. या सुमन पोखरेल, घरेलु तथा साना उद्योग संघया लक्ष्मी प्रसाद कवां, महानगरीय प्रहरी परिसरया प्रहरी सहायक निरीक्षक निशा थापा नं भःगु खः ।

सहकारीया सः पसः व थी थी पुसात अनुगमन

खप नगरपालिका अनुगमन समितिया कजि राजकृष्ण गोराया न्हयलुवाय् सः व थी थी पुसात मिङ्गु डागू देकोचा कमल विनायक व च्याम्हासिंगलय् अनुगमन यात ।

उगु इवलय् भुनवेश्वर कृषि सहकारीया सः पसः सिद्धि कृषि सहकारी सः व पुसा मिङ्गु पसः छूमा गणेश कृषि सेवा अनुगमन याड नगरपालिकां पिकगू मूलं जक मियता निर्देश यात ।

अथेहे न्हूच्छेभक्त कुटुवाजुया देसी सः पस, पासा कृषि सामग्री व विउविजन भण्डारता नवीकरण याय् मःगु व तराजु नापतौल विभागं नवीकरण याकेता निर्देश यात ।

ल्यूमिक गोल्डं थी थी सः खय् ल्वाक छ्याड तःगु खानय् दःगुलिं जफत यासे म्याद फूगु वासत नं जफत यात ।

अनुगमन सं खप नगरपालिका श्यानितेशन उपशाखाया प्रमुख न.ति. दिलिप कुमार सुवाल, वडा निरिक्षक रामकृष्ण प्रजापति, कर शाखाया मोहनदेवी ब्याञ्जु, भक्तपुर उद्योग वाणिज्य संघया राजु त्वानावासु, राष्ट्रिय उपभोक्ता मञ्चया मनोज थापा, घरेलु तथा साना उद्योग संघया लक्ष्मी प्रसाद कवां, महानगरीय प्रहरी परिसरया प्रहरी कुमार श्रेष्ठ नं सहभागी जुयो द्यगु खः ।

स्थानीय तहलं सम्पदाया धलःत दय्क बियमगुः

पुस १४

नेपाल सरकार संस्कृति पर्यटन तथा उद्दयन मन्त्रालयं युनेस्कोपाखं सन १९७० खय् १९७० खय् पारित जूगु सांस्कृतिक वस्तुत अबैध रूपं आयात निर्यात(न्यायगु-मियगु) व ब्यापार सम्बन्धी महासन्धी काथं नेपः देशं थी थी इलय् (कालखण्डय्) खुयो यंकगु ऐतिहासिक सांस्कृतिक व पुरातात्विक महत्वया वस्तुत सत्य तथ्य खःगु प्रमाण तयो नेपः देशय् लिता ह्यता बुधवार व नपां स्वापु दःपिनिगु बैठक सिंह दरबारे जुल ।



बैठकय न्वचु तयो दिसे ख्वप नगरपालिकाया प्रमुख सुनिल प्रजापति जुं ऐतिहासिक, सांस्कृतिक, पुरातात्विक कला कृतिया संरक्षण सम्बद्धन व प्रवर्द्धन याय्गु जिम्मा कायो च्वंगु मन्त्रालय, विभाग कार्यालय व संघ संस्थाया लाहातय अधिकार बियो यंकय् मःगुलि बः बियो दिसे सांस्कृतिक सम्पदात ल्यंकः, म्वाकः तय्गुलि राज्य बांलाक स्ययमफूगुलिं अः पुक खुयो यंकगु खः धायो दिल ।

सांस्कृतिक सम्पदात ल्यंकः म्वाक तय्गुलि ख्वप नगरपालिकां वि.सं. २०५८ साल निसं २०६१ साल तक सांस्कृतिक सुरक्षा कःमि चाहिइकगु, माओवादी जनयुद्ध चर्के जूसेलिं सुरक्षा निकायया आग्रह काथं दिक्ु याय मःगु खौं ब्याकसे प्रमुख प्रजापतिजुं वि.सं. २०५० साल निसं पर्यटन शुल्क कायो वहे धेबां ख्वपया सम्पदा ल्यंकः म्वाक तय्गुलि खर्च यायां वयो च्वगुखौं ब्याक दिल ।

लैनसिक वाड्डेल जुं च्वयो द्युगु Inventory of stone sculptures of the kathmandu valley साफूति न्हिथाड तःगु स्वनिगः या थी थी थासय् तयो तःगु ल्वहँ तय् कियो तःपुं द्यो (प्रस्तर मूर्तित) या विवरण स्वापु दःगु फुक्क स्थानीय तहतय्ता बियमःगुलि बः बियो दिसे नगर प्रमुख प्रजापति जुं

ख्वपय् नं तांगु ख्वप नगरपालिका वडा नं. ७ या बीरभद्रेश्वर संग्रहालयं लिता ह्यता व ख्वप नगरपालिका वडा नं. ३ नासमनां तांगु उमामहेश्वरया मूर्ति फ्रान्सया राजधानी पेरिसया एशियाली कला सम्बन्धी राष्ट्रिय संग्रहालयं (गिमे म्युजियमं) लिता ह्यता ख्वप नगरपालिकां परराष्ट्र मन्त्रालय, पुरातत्व विभाग नपां स्वापु दःगु संघ-संस्थाय् पौ च्वयागु खौं कुल दिल ।

बैठकसं यल महानगरपालिकाया प्रमुख चिरीबाबु महर्जनं थी थी कालखण्डय् तांपुं वा खुयो यंकपुं सम्पदात नेपालय् लिता ह्यता महानगरपालिका पाखं मः काथं कुतः जुयो च्वंगु खौं ब्याकसे सम्पदा लागाय् जुइगु द्यो खुयो मिइगु ज्या मयाकय्ता उगु लागाय् जुयमः धायोदिल ।

बैठके संस्कृति, पर्यटन व उद्दयन मन्त्रालयया सचिव महेश्वर न्यौपाने ऐतिहासिक, सांस्कृतिक व पुरातात्विक महत्वया वस्तुत आधिकारिक प्रमाण मुडः नेपालय् लिता ह्यता थी थी समस्या ज्यंकय्ता स्थानीय तह नपां मः काथं मिलय् जुयो हज्याय्मः धायोदिसे तांगु व खुयो यंकगु सम्पदात लिता ह्यता परराष्ट्र मन्त्रालयं मः काथं हज्याडः ज्या सानय्मः धायो दिल ।

पुरातत्व विभागया निर्देशक दामोदर गौतमं नेपः देशं तांपुं वा खुयो यंकपुं मूर्ति तय्गु ल्या (तथ्याड्क) पिब्वसे ६० निसं ८० या दशकय् नेप देशं अपलं सांस्कृतिक सम्पदात खुयो यंकगु खौं काडः दिल ।

उगु बैठके पुरातत्व विभागया प्रमुख पुरातत्व अधिकृत सुभद्रा भट्टराई जुं नेपः देया चल सांस्कृतिक सम्पदाया अनधिकृत धंगं मियो छ्वयगु थौं कन्हेया बारे प्रस्तुतीकरण क्यडः दिसे गैर कानुनी धंगं मियो छ्वयो सम्पदात बुलुहुं न्पालय् लिता हयो च्वंगु खौं ब्याक दिल ।

ज्या इवःसं भःपुं गृहमन्त्रालय् परराष्ट्र मन्त्रालय, पुरातत्व विभाग, स्थानीय तहया प्रमुख, भन्सार विभाग, प्रहरी प्रशासन राष्ट्रिय कला संग्रहालयया प्रतिनिधिपिसं खुयो यंकगु मूर्तित लिता ह्यगु ज्याखय् मन्त्रालयं सहजीकरण याय मःगु खुयो यंकगु मूर्तितयगु ऐतिहासिक प्रमाण लुइके थाकुगु, फुक्क नाकाय् निकासी बस्तुया कडायाड जाँचय् याकय् मःगु, सम्पदा बारे पाठ्यक्रमय् दुथ्याकय् मःगु थजगु सुभावात ब्यगु खः ।

संस्कृति पर्यटन व उद्दयन मन्त्रालयया सचिव महेश्वर न्यौपाने या नायो सुई च्वंगु उगु बैठकसं नगर प्रमुख सुनिल प्रजापति जुं मन्त्रालयया सचिव न्यौपानेता थी थी इलय् खुयो



न्हयःन्हयगूगु स्वप पौ, बःछि पौ(पाक्षिक)

यंकगु ऐतिहासिक सांस्कृतिक व पुरातात्विक महत्वया वस्तुत आधिकारिक प्रमाण मुडः नेपालय् लिता ह्यता बुँदागत काथं सुभावनपां पौ लः ल्हाडः दिल -

- लैनसिंह वाड्डेलया Inventory of stone sculptures of the kathmandu valley साफूखय् चवयो तःगु स्वनिगया थी थी थासय् च्वंगु प्रस्तर मूर्तिया विवरण स्वापु दःगु फुक्कं स्थानीय तहता बियो उकिया सुरक्षाया व्यवस्थाया लागिं स्वापु दःगु फुक्क संघ संस्था तय्ता सचेत याय् मःगु ।
- उगु साफू खय् चवयो मतःगु स्थानीय तह दुनय च्वंगु मेमेगु मूर्त सम्पदातय्गु विवरण स्थानीय तहकय् कायो सांस्कृतिक सम्पदात तय्गु विवरण (आध्यावधिक) ताडः यंकय्मःगु ।
- लैनसिंह वाड्डेलयाय् हे मेगु साफू Stolen images of Nepal खय् चवयो तःगु थी थी तांगु मूर्तिया विषयसं स्वापु दःगु स्थानीय तहतय्ता अजगू मूर्तित संसारया छु छु देशय् गना-गना तयो तला जानकारी बियो गनाखः आना हे तय्केगु कुतः याय्मः ।
- उगु साफू खय् चवयो तःगु बाहेकया थी थी स्थानीय तहं थी थी कालखण्डय् खुयो यंकगु प्रस्तरकला, धातुकला, काष्ठकला, चित्रकला थ्या साफू, सिजः पौ नपांया पुरातत्विक सम्पदाया धलः दय्केगु ।
- प्रस्तर मूर्ति बाहेक धातुकला, टेराकोटा कला, चित्रकला, काष्ठकलाया उखय् थुखय लाड च्वंगु थी थी कलाकृतिया विवरण संकला अभिलेख दय्कः उकिया गथे याडः ल्यंक म्वाकः तय् फै धाय्गु कार्यनीति दय्केगु ।
- चवय न्हिथाडाथें खुयो यंकगु सम्पदात संसारया छु छु देशय् गना गना तायतला सिडकः व खौं स्थानीय तहता काडः सम्पदात लिता ह्यो न्हातयो तः थाय् तुं तय्ता कुतः याय्गु ।
- दे या अमूल्य सम्पति (धरोहर) काथंया अजगु ऐतिहासिक,

पुरातात्विक सांस्कृतिक सम्पदात ल्यंकः म्वाकः तय्ता कडा कानुन दय्कः अजगु सम्पदा खुयो यंकिपुं खुँ तय्ता अपसे अपः दण्ड सजायया व्यवस्था याय्मगु ।

- नेपःया प्रचलित कानुनया व्यवस्था दःथें खुयो हःगु सामान न्याइपुं व मिडपुं नेगुं पक्षता कानुनी कार्वाहीया व्यवस्था याकेता युनेस्को पाखं अन्तर्राष्ट्रिय कानुन दय्के बियता कुतः याय्गु ।
- थी थी स्थानीय तहलं तांगु सम्पदात नेपालय् लिता ह्यता सन १९७० या युनेस्कोया महासन्धी काथं नेपः याय् हे खः दक प्रमाणित याय्ता युनेस्कोता लैनसिंह बाड्देलं चवयो द्यगु In-ventory of stone sculptures of the kathmandu valley/Stolen images of Nepal साफूता मान्यताविडकेता कुतः याय्गु ।
- चवय न्हि थाडागु समफूया विवरणया प्रमाणिकरण जुय धुं क थी थी संग्रहालय, विश्व विद्यालय व व्यक्तिगत संग्रहलय् तयो तःगु नेपः या खुयो यंकगु व तांगु मुर्ति नेपालय् लिता ह्यो तुरन्त गना खः आना हे निः स्वानय्ता स्वापु दःगु मन्त्रालय, विभाग कार्यालय व संघ संस्थाता जिम्मेवारी बियो ज्या न्ह्याकय् बियमःगु ।
- थी थी इलय् प्याहाँ वगु बुखाँया लिधंसाय् ख्वप देशं तांगु, थी थी देया संग्रहालय व विश्व विद्यालय तयो तःगु पुरातात्विक सम्पदात मध्ये ख्वप नगरपालिका वडा नं. ७ या वीर भद्रेश्वर महाद्योया देगलय् च्वंगु पार्वतीया मूर्ति, अमेरिकाया यल विश्व विद्यालय संग्रहालयं लिता ह्यता व ख्वप नगरपालिका वडा नं. ३ नासमनां तांगु उमामहेश्वरया मूर्ति फ्रान्सया राजधानी पेरिसया एशियाली कला सम्बन्धी राष्ट्रिय संग्रहालयं (गिमे म्युजियमं) लिता ह्यता परराष्ट्र मन्त्रालय, पुरातत्व विभाग नपां स्वापु दःगु संघ संस्थाय् पौ चवय् धुडा नं उगु मूर्ति लिता मध्यगुलिं हकनं चवय्क ज्या याकेगु ।

देशघाती एम सी सी सम्भौता खारेज याकेता विरोध सभा

पौष १६

नेपाल मजदुर किसान पार्टी शुक्रबार देशघाती एमसीसी सम्भौता खारेज याकय्ता नेपःया राजधानी येँ जुलुस प्रदर्शन व सभा याड संघीय सांसद भवन घेराउ नपां देशया थी थी थासय् विरोधसभा यात ।

संघीय संसद घेराउ याय्ता नेमकिपां येँया माइतिघर, पुरानो वानेश्वर व कोटेश्वरं याडः स्वथाय् नं बिस्कं बिस्कं जुलुस पिकायो जनसभा यागु खः ।

माइतिघरं न्ह्याकगु जुलुस वानेश्वरया एभरेष्ट होटेल





न्हयःन्हयगूगु स्वप पौ, बःछि पौ(पाक्षिक)

हःनय् थ्यंकः जनसभा तःगु खः, सभासं नेमकिपाया छ्याञ्जे नपां संघीय प्रतिनिधि सभाया दुजः प्रेम सुवाल जुं एमसीसी सम्झौताया दफात बांलाक ब्वडः स्वपिसं देशघाती खः जक मधाइ मखु धायो दिसे अमेरिकी रक्षा विभागया दस्तावेज व अमेरिकी अधिकारी पिनिगु धापु काथं हे हिन्द प्रशान्त क्षेत्रे अमेरिकी सैन्य गठबन्धन दय्केता ग्वाहाली याय्गु निकाय धाय धुंकः प्र.म. देउवां राष्ट्रघात गना दः ? धायो फय खाँ धायोदिल ।

अमेरिकाया मति एसियाया नेगू तहांगु दे चीन व भारतता ल्वाकः हतियार मीयगु मति तयो काथं ज्या साड च्वंगु थुगु सम्झौता जुय धुंकः भारतीय व अमेरिकी सेना नेपालय् द्रुहँ वय्गु अलय् अमेरिकी सेना कमाण्डरया न्हयलुवाय् नेपाली सेना व प्रहरीत छ्यलिगु लिं थुगु सम्झौताया विरुद्ध सकल देशभक्त जनतां विरोध याय्मः नेमकिपां खारेज मयातलय् विरोध याई वयकलं धायो दिल । प्र.मं देउवां पुस ४ गते सर्वदलीय बैठके सम्झौता बांलाक मढ्वंसे ग्व गना दः राष्ट्रघात ? धःगुलिं शासक दलतय्सं उगु धेबा कायो चुनावखय् त्याकय्गु जः ग्वयो अः तकनं राणा व पञ्चायत शैलीं ज्या साडः सत्ताय् वाडः च्वंगुलि कुखिडः दिल ।

उगु सभास नेमकिपाया केन्द्रीय दुजःपुं रविन्द्र ज्याख्वः, बागमती प्रदेशया सांसद सिर्जना सैजु, नेक्राविसंघया केन्द्रीय संयोजक सुरेश परियार व जुलुस न्ह्याकय् हाँ माइतिघरे नेमकिपाया केन्द्रीय दुजः येँ जिल्ला कमितिया नायो नारायण महर्जनं एमसीसी सम्झौताया विरोधय् न्वचु तयो द्यूगु खः ।

पानी ट्याङ्की वानेश्वर

येँ पुलांगु वानेश्वरं न्ह्याकगु जुलुस अन्तर्राष्ट्रिय सम्मेलन केन्द्रया ल्यूने थ्यंक यागु जनसभासं नेमकिपाया केन्द्रीय दुजः नपां ख्वप नगरपालिकाया प्रमुख सुनिल प्रजापति जुं नेपाल सरकारं उलिमछिं मित्रराष्ट्रपिनि पाखं अनुदान काय् धुंकल गुब्बे संसदं अनुमोदन याय म्वःगु थुकि आपतिजनक बुँदात दःगुलिं अमेरिकां



थःगु स्वार्थ तपुयो संसदं पारित याकय् तांगु खाँ ब्याकसे ५५ अर्ब तका दामं देशया सार्वभौमिकता मियमज्यूगु खाँ ब्याकसे सकल देशभक्त नागरिक पिसं थुगु खाँ थुइकः विरोध याडः एमसीसी सम्झौता पारित याय्ता जूपुं शासक दलया नेतात म्हासिइके मःधायो दिल ।

उगु ज्या इवःसं नेमकिपाया केन्द्रीय दुजः सनकमान महर्जन, वैकल्पिक के.स. राजेन्द्र चवाल, मिनबहादुर बाटा व मीना डंगोलं नं न्वच तयो द्यूगु खः । जुलुस न्ह्याकय् हाँ नेमकिपाया केन्द्रीय दुजः राजवीर डंगोलं न्वचु तयो द्यूगु खः ।

कोटेश्वर



संसद भवनया पूर्व पाखय् यागु जनसभासं नेमकिपाया केन्द्रीय दुजः नपां बागमती प्रदेशया सांसद सुरेन्द्र राज गोसाइँ जुं एमसीसी सम्झौता नेपः ता उपनिवेश याय्गु न्हँगु सम्झौता खः धायोदिसे साम्राज्यवादी अमेरिका व उपनिवेशवादी भारत मिलय् जुयो नेपः देता उपनिवेश याइगु छुं नं ज्या खाँ या समर्थन नेपःमि पिसं याय् मज्यू धायोदिसे न्हापा नं सत्तारूढ दलया अदूरदर्शितां देया प्राकृतिक स्रोत (खुसी) त मत अः सम्प्रभूता हे मदैगु खतरा दःगुलिं सकल देशभक्त नागरिकपुं छप्पा छधि जुयो दानय् मः धायो दिल ।

जनसभासं नेमकिपाया केन्द्रीय दुजपुं अनुराधा थापा मगर, कृष्ण कुमार वैद्य, नेक्राविसंघया केन्द्रीय कजी प्रकाश गुरुड व जुलुस न्ह्याकय् हाँ नेमकिपाया केन्द्रीय दुजः उकेश कवां नं न्वचु तयो द्यूगु खः ।

अथेहे नेमकिपाया ग्वसालय् कालिकोटय् नेमकिपाया केन्द्रीय दुजः नन्द बहादुर शाही व सप्तरी नेपाल क्रान्तिकारी किसान संघया न्हयलुवाय् एमसीसी सम्झौता विरोधय् जुलुस पिकायो जनसभा यागु खः ।



चन्द्रागिरी नगरपालिकाया प्रतिनिधिपुं ख्वप नगरपालिकाय्
(२०७८ पुस १९ गते)



सच्चिङ्गु शर्याया ख्वप अस्पताल स्वीकृति काय्ता स्वास्थ्य मन्त्रालय व
स्वास्थ्य निर्देशनालय हेटौडाय् प्रमुख ज्यू (२०७८ पुस २१ गते)